

LISWAYO LA ZUHO

 Luli ki litohonolo fa kuba mo kakusasana cwana, ka lizazi la kupepwa kwa Pisinisi ya Baana ba Evangelist Yetezi mo mwa Phoenix, ni kuziba kuli Mulena u ni file siemba nyana sa lona, sa kuba siemba sa kopano ye. Ni bata kulumelisa Muzwale Carl Williams ni musala hae, Muzwale Stromei, ni babañwi kwanu kwa katala, Muzwale Shores, Muzwale Outlaw, bakutazi, ni mina sicaba sesinde kaufela.

² Mwa ziba, Ne—Ne ni nina ni kupuzo ya kupepwa kwaka sunda yefelile, nina. Mi Ni yomuhulu nyana fela kwa katengo aa. Ni lumela kuli u bulezzi kuli, “Myaha ye ketalizoho ni...ya kupepwa, kwa kakwata ka kauhanyo.”

³ Yomuñwi naize, zazi leliñwi, ali, “U na ni lilimo zekai, Muzwale Branham?”

⁴ Se nili, “Twenti-sikiki.” Mi se Nili, “Ni felize myaha ye twenti-faifi yapili. Ha ni si ka Mu sebeleza hande ku yona.” Se nili, “Ni sepa Uka eza cwalo, ni yena.” Kuli ni Mu konisize kueza cwalo li ka shutana.

⁵ Kono ki hande kuba mo. Mi cwale ha lu lati ku sinya hahulu nako ya mina. Kakuli luna...Na—Na kamita na sabanga, kasamulaho Ni utwa bupaki bobuñwi bo bunde, ni lika ze sweli ku ezahala, kuli Ni...ni lipina, kuli Ni eze sesiñwi se si ka filikanya zani. Mi Ne ni bata kuekeza kuzona, haiba ku kaba sesiñwi se Ni kona kuekeza ku sona. Likezeli ze...

⁶ Muzwale yani ya na opezi pina kakusasana kacenu, muzwale yomunsu, Ne ni itumezi ka yona, *Liito Litalimezi Nyunywani*.

⁷ Mi likezeli ze ne opelanga pina ye, bani ba bile tuso yaka kuzwa hane Ni li kwanu ka nako yapili. Nina ni yona. Nina ni yona fa litapa, mi Ne ni sweli fela ku iliza yani yakuli, *Ni Tabela Ku Yo Ikambota Ni Yena*. Mi Na buza Muzwale Dawson Riley fani, mulikana ka, haiba wakona, babañwi ba bona, haiba wakona kubona likalibe bai, haiba ne ba sa liteni fa lifasi fa, kuli ba to i opela hape kakusasana cwana. Mi Ni sepa Terry una ni yona. Mi Ni sepa kuli ubile cwalo. Ni bata ku i zwisa mwateni, mwendi, kuba fa litapa leliñwi cwalo, kakuli Na ilata pina yami luli. Mi yani kona yaka...takazo yaka ki ku yo ikambota ni Yena. Ni sepa kuli kaufela luna lubata kueza cwalo. Kona ha luli mo kakusasana cwana.

⁸ Cwale, mikopano ye taha, sunda yetaha. Kana ku lukile kubulela fa? [Muzwale uli, “Luli.”—Mu.] Ni—Ni lukela kuba kwa hae biki yetaha ye, kwa tabernakele, ka la Sunda yetatama, kwa sebelezo ya Paseka; La Pelekelo busihu, la Sunda, ni la Sunda busihu. Mi cwale Ni ka kuta kwa California. Mina sicaba kaufela

ba mwa California, mubone kuli mwa fumaneha kwa mukopano kwani. Mi Ni sepa kuli Billy na lumile papazo ye si yona. Ki... Na i se, "Ki kwa Biltmore Hotel," Na sepa, "i lukela kuba kwa." Ki... [Yomuñwi uli, "Bapalezwi ku si fiwa."] Ba palezwi ku si fiwa. Mi seli kwa Eastmont nji? ["Embassy."] Embassy, ki yona Embassy Hotel. Kacwalo mutu ufi kaufela wa ba Evangelist Yetze kulo kwani u ka mi zibisa, haiba mu fumaneha neku la kwani.

⁹ Mi kipeto lukuta kuzwa kwani, mi Ni ya kwa South Africa kuzwa foo. Ki kweli fela iliñwi kuzwa kacenu, lu ka liba kwa South Africa, lu kulubela nako yetuna ku Mulena, mwendi ki linaha zetalu kulo kwani. Kacwalo lu—lu kupa litapelo za mina katata. Hakulata ha nina kukona ku mi bona hape, haiba Mulena a tabelu kuli lu funduke, kufitela Ni kuta. Mi ni sepa kuli Ni kaba ni pihohende ha lu ta yo kuta.

¹⁰ Nako ye felile kulo kwani, Ni sepa kuli Mulena na ni file mukopano omutuna hahulu ku ye Ni kile naba ni yona. Mi nako yeñwi, kwa pizo ya ku bizezwa kwapilia... Cwale, zeo ki mwahala ba matakanyani. Kuya ka mo Ni zibela, nekuna ni baba likiti ze mashumi amalalu bene ba amuhezi Kreste ka nako iliñwi. Mi ne lu hupula kuli mwendi neba talusa foliso ya butu, kakuli nekuna ni babaeza likiti ze mashumi amabeli ka zeketalizoho bene ba folisizwe ka nako iliñwi. Mi zazi lelitatama, mibusisi wa—wa Durban, ili yena Sidney Smith, ali, "Zamaya kwa lihaulo la hao, talima mwa mukwakwa ko u shetumukela." Mi ne kuba ni limota mwa mulaho wa limota, za li kutala fela milamu ni lika zeñwi, neli kulonga luli ni fahalimu; mi sicaba ne si taha mwa mulaho, bona bani ba na ha, kanti sapili ne ba sa utwani, inge ba taha mwa mikwakwa ya munzi, ba opela kuli *Lumela Feela* mwa lulimi lwa bona.

¹¹ Na mi bulelela, pilu yaka ya taba. Kuswana... Mi ha u bona nto yeñwi yecwalo, Muzwaler Shores, u ikutwa kuli musebezi wa hao ha mbango kanti. Mwa bona, u likile. Mi Ni sepa kuli Mulimu wa kutela fateni hape, isiñi kakuli—kakuli luya kulo kwani, kono kakuli lu libelezi Kutaha kwa Mulena.

¹² Mi sina pina ha i bulela kuli, lu bata bata ngu yenyinyani yani, ye latehile, yani ki, kicona... Hana—Hana kutaha konji ngu yani haise ikeni. Yeñwi ni yeñwi ina ni kuba mwa mulaka. Hana kukwala sikwalo kufitela ya mafelelezo ikena. Kacwalo, mizwale ba bakutazi, Na sepa hande ni mina, kakusasana cwana, ka kulika ku zumazuma ngu ya mafelelezo yani. Ikona kuba mwa Phoenix, kakusasana cwana. Ha ni zibi. Kono cwale ya mafelelezo ha se ikeni, kipeto Mulisana uka kwala sikwalo.

¹³ [Muzwale uli, "Muzwale Branham?"—Mu.] Eeni? ["Kana Ni bata kubulela linzwi nyana?"] Kaniti wakona. ["Ni libezi nto yeñwi. Lubile lu bulela ka yona..."] Hakuna manzwi fa tepu.] Zeo li lukile hande. ["Mi Na ziba, mañi ni mañi wa libalanga lika, fa ni fa."] Ha ni libalangi. ["Oh!"]

¹⁴ Ki na yana ni kuñola ze Ni ka bulela, cwalo. Ni . . . Kuzwa ha fani Ni ya ni supala, Ni fumana tata nyana kuhupulanga, ni ñolanga Mañolo akafafasi, ni zeñwi cwalo. Ne ni ezanga kuli, Ne ni bulukanga Mañolo neba a mashumi aketalizoho mwa toho, kamba mane neba . . . ne ni fitanga fela ku ona, kono Ni na ni limaili zena ni matulungundu kwa mulaho wa mazazi ani.

¹⁵ Kacwalo, lu libelezi Kutaha kwa Mulena. Mulena ami fuyole kaufela!

¹⁶ Mi kipeto mutahe kwanu, mi mu nahana kuli . . . Muinafafasi fa ni kuutwa sicaba se ha si fa bupaki. U nahana kuli, "Kihande, ha Ni ka yema, Ni ka bulela nto yeñwi ka zona." Mi, kuna ni zeñata hahulu za kubulela, za kuli noka bulela musihali kaufela. Kono, Na itumela ku mina kaufela. Mi yona kalulo nyana ye ha izwelepili. Mi keleke kaufela mwa Phoenix izwelepili kuhula kufitela Jesu ataha, kona tapelo yaka ye sepahala.

¹⁷ Cwale, Ni sepa kuli, fa kupumula fela hanyinyani, ha lu yemeñi lube ni tapelo. Kikuli mwa yema?

¹⁸ Mulimu Yamata kaufela, yena Ndatahe Mulena luna Jesu Kreste, Ya na Mu zusize kwa bafu, mi u Mufile ku luna kuba sitabelo, ni Mulena ni Mupulusi. Lu itumela hahulu ku Wena ka litohonolo le lu nani kakusasana cwana, ka kuyema fa pila Hao, ni sicaba sa Hao se si liuluzwi mi si libelezi Kutaha kwa Hae ko ku kanya, kuli alu amuhele ku Yena. Haiba kuna ni sibi mwahala luna, Mulena, lu tapise ka ka hisopa ya Hao. Mi lwa lapela, Ndate yakwa Lihalimu, kuli U folise mutu kaufela ya kula yali mwahala luna.

¹⁹ Mi haiba ku kaba, ka kolo, bani baba sa Ku zibi, mwa kolobezo tuna ye ya Moya o Kenile ye lu lwanela hahulu, ni kubulela kuli i lukela kuba, kuya ka Mañolo kwa lizazi la mafelelezo le, lu lapela, Mulimu, kuli A lu wele fahalimwa luna kaufela, kacenu, ni ku lu kolobeza ka bunca mwa Mubili, ni kutisa bani baba kwande, kuli bakene, nibona, Ndate.

²⁰ Lu fuyola hanze lu bala Linzwi la Hao ni kulika kubulela sesili Niti ya Linzwi la Hao. Kwala milomo yaluna ku ze si niti, mi kwalula lipilu zaluna ni milomo ku se sili Niti, halunze luipa ili luna ku Wena. Itusise milomo ya luna kuli ubulele, ni lizebe zaluna ku utwa, mi lipilu za luna li amuhele. Kakuli lwa likupa ka Libizo la Jesu, Yena ya li tomile kuba cwalo. Amen.

²¹ Ni tabela kubala mwa Linzwi le Kenile, libaka zetalu mwa Bibe. Mi haiba mutabela kuñola zeo, mi mutabela kuzwelapili ni zona, inge mubala ka kuba ni zibo yeñata, Ni kaba ya tabile haiba mu ka ifólela zona. Libaka ze Ni ka bala ki Mateu 28:1-10, mi hape ni Sinulo 1:17-18, Maroma 8:11. Mi ha Ni kutele fateni hape. Mi cwale Mateu 28:1 kuisa fa 10, Sinulo 1:17 kuisa fa 18, ni Maroma 8:11.

²² Cwale lu atumela Zuho. Mi hamunze mu sweli kunga libaka za mina, ni ku ñola. Ni sepa kuli sunda yetaha ye ki yende

hahulu mi ili sunda yetuna hala lisunda kaufela za silimo. Ni sepa kuli kona nto yetuna luli ye lu ka nyakalala sunda ye, yona sunda yetaha yee, neli nako yetuna hahulu yekile ya ezahala mwa lifasi. Ha ni sepi kuli kuna ni sika kaufela se si kona kufitelela foo. Mu li, "Kihande, ki—ki sifapano neli nto yetuna." Kono batu babañata ba shwile, buñata bwa bona ba kokotezwi, mane nihaiba mwa mazazi a swana a Mulena luna. Kono nekuna ni fela Alimuñwi wa bona yana zuhile kwa bafu. Sani ne si li swaile.

²³ Cwale Ni bata kubala. Mi le ki liñusa nyana la Paseka, haiba Mulena alata, ka mizuzu ye mashumi amane cwalo. Cwale ha lu baleñi mwa Evangelí ya Muñoli Mateu, kauhanyo yabu 28, ka kukala.

*La pumulo ha li felile, masa hakala ku patalala a lizazi
la pili la sunda, Maria Magdalena ni Maria yomuñwi ba
taha ku to bona libita.*

*Mihe, zikinyeho yetuna ya lifasi ya ba teñi: kakuli
lingeloi la Mulena ne li zwile kwa lihalimu, mi la taha
ku to pikulusa licwe fa munyako, mi laina fa fahalimwa
lona.*

*Sibupeho sa lona ne si swana sina lumonyi lwa pula,
ni sapalo sa lona ili se si sweu sina litwa:*

*Mi banyungi kabakala ku li saba bona... balibelei
(muni swalele) ba ngangama, mi baba sina batu baba
shwile.*

*Kono lingeloi la bulela la li kwa basali, Mina mu si ke
mwa saba: Na ziba kuli mu bata Jesu, ya na kokotezwi.*

*Ha yo mo: kakuli u zuhile, sina mwa na bulelezi. Muto
bona sibaka mwa na lobezi Mulena.*

*Mi mi muakufe mu yo bulelela balutiwa ba hae kuli
u zuhile kwa bafu: mi, amubone, wa itangeta kuta kwa
Galilea; mu ka yo mubona kwateni: kifo, Ni mi bulelezi.*

*Cwale basali ba zwa kapili kwa libita ka sabo ni tabo
yetuna; mi ba mata ba yo bulelela balutiwa ba hae.*

*Mi ha ba ya ku yo bulelela balutiwa ba hae, amubone,
Jesu aba katana, ali, Mu lumele. Bona ba sutelela ku
yena ba mu swala kwa mahutu, mi ba ku mubamela.*

*Cwale Jesu ali ku bona, Mu si ke mwa saba: mu yo
bulelela bana bahesu kuli baye kwa Galilea, ki mo ba
ka ni bona kwateni.*

²⁴ Mi Sinulo, kauhanyo ya 1, ni timana ya 17 ni 18.

*Cwale ha Ni mubona, Na wela kwa mautu a hae inge
ya shwile. Mi a beya lizoho la hae la bulyo fahalimwa ka,
a li kuna, U si ke wa saba; Kina wa pili ni wa mafelelezo:*

Mi ki na ya pila, mi ne ni shwile; mi, bona, Na pila mwa linako ni linako, Amen; mi ni na ni linotolo za lifu ni sibaka fo kuinzi baba shwile.

²⁵ Mi mwa Buka ya Maroma, kauhanyo yabu 8, ni kukalela fatimana yabu 11.

Kono haiba Moya wa ya na zusize Jesu kwa bafu u ina ku mina, ya na zusize Kreste kwa bafu uka pilisa ni mibili ya mina ye shwa ka Moya wa hae opila ku mina.

²⁶ Cwale Ni sepa kuli Mulena Jesu uka ekeza limbuoyoti za Hae kwa palo ya Manzwi aa. Ka kubona kuli, Zuho, Ni i beile mwa pilu yaka kuba mukopano omutuna, kamba nako yetuna hahulu ya—ya mwaha.

²⁷ Ni bata ku mi kupa kuli mu ni swalele hanyinyani. Kikuli seo ha si tazi hahulu lilata ku mina, ka kuhuwa cwalo? Kana ku lukile? Kikuli mwa utwa fela hande kafo ona cwalo? Oh! Hamu utwi. Kana fo ki hande, kube ona cwalo? Ne ni sa lati kusutelela fakaufi hahulu.

²⁸ Cwale, ze Ni bulelela cwana, kakuli, Zuho, Na bonisize sene i bulezi Bibebe. Liñolo kaufela lene li ñozwi ka Yena kuli aeze, A to swaya bu Mesia bwa Hae ha Na zuhile kwa bafu, lona liswayo la Paseka. Luna ni zeñata hahulu za zona kacenu ze lu bulela ka zona, kuli, kuleka maswayo a Paseka. Kihande, Ni bata kubulela kakusasana cwana fa: *Liswayo La Paseka*. Ki liswayo le li shutana kufita le lu leka ka masheleñi a luna, sina liswayo fa kokena mwa litaku, Ni sepa kuli ba Tuberculosis Association kamba ba ibiza cwani. Ni—Ni sepa kuli liswayo le ki liswayo leli shutana nyana. Mi kakuba kuli Žuho ki lizazi lelituna la mwaha ku luna Bakreste baba ipapata kuba bana ba Mulimu, Ni bata kulika ku ialula ni kubona mo lu swanela ku kopanela ni taba ye yana shwezi Kreste ka luna.

²⁹ Linzwi la Mulimu ne li bulezwi myaha yeñata ñata mianda Kutaha kwa Hae ku si kaba kale, ka za kutakiswa kwa Hae, ni za lifu la Hae, ni manyando a Hae, mi hape ni zuho ya Hae. Lu ka fita mwa lisebelezo ze, mwendi, sunda yetaha, halunze lu teezeza kwa litukiso—litukiso za luna fa silimba; mi mwa likeleke za luna, ni balisana ba luna, ni zeñwi cwalo, biki yetaha ye.

³⁰ Kono mwahala mazazi kaufela ni lika kamukana za na ezize Jesu, mane wa itumela luli ka ponahazo ya Hae ya Linzwi la Mulimu ni Sa ezize fa ku Li taleleza: za kufolisa bakuli, kuzusa bafu, ku leleka mioya ye maswe, kukutaza Evangelii kwa babotana, ni kutaleleza Linzwi kaufela la bulezi Mulimu kuli uka taleleza nako Ya Na tile; mi hape ni kunyandela libi za luna, mwa sibaka sa luna, ka kuba tifo ya sibi, fa sifapahano, koo kusina mutu ya na ka eza cwalo konji Yena. Kono fahalimwa zeo kaufela, Ni sepa kuli Zuho kona ye ne kwahezi lika kaufela.

³¹ Kakuli, nekuna ni bapolofita mwa lifasi, bene ba polofitile fapila Hae. Nekubile bapolofita mwa lifasi, bene ba folisa

bakuli, mane neba kuzusa bafu, ni kueza lisupo zeswana za na ezize Jesu.

³² Kono Zuhō ya li bonisa. Ya to kwahela Linzwi la Mulimu kuyakuile, ku mulumeli wa niti. Simbwewewe kaufela ni kukakanya za hasana, ka kupazula kokunde kwani kakusasana. Mutu na kwalezwi kwande, ka mo ne ku bezi, mwa ndu ya tolongo, mane nihaiba kwa sicaba sa bulapeli kusikaba kale lizazi le, kakuli nebali mwa...ne ba boni muzamao omutuna wa bulapeli, ni kuzamaya kwa Moya o Kenile, ni zeñwi cwalo. Kono cwale mutu ha to shwa, za bonahala kuyonga. Kono cwale Yo hana tile, mi ali, “Nina ni mata a ku lobaza bupilo bwa Ka fafasi; Nina ni mata a ku Bu nga hape,” mi kipeto za bonisa za Na bulezi, ku na, leo—leo ki liswayo la teñi, mi—mi sika ha si bulezwi mi kipeto sa tiswa ni ku pakiwa ka kubonahala.

³³ Haia mutu akali, sina Columbus, nalumela kuli lifasi ne lili sikwenda, mi na talima lisepe, sina ha lu bulelezwi, mo ne li tezi, mi na bona masila a lindembela kwahule asika bona kale sisepe. Mi ne li mu pakile kuli lifasi neli li sikwenda. Sicaba ne si sa lumeli cwalo mwa lizazi lani, kono nali muuna wa pono. Na yemi hande ni kubonissa hande pono ya hae, yani neli niti.

³⁴ Mi Mulimu na itamile kupaka Linzwi la Hae, yona Niti. Kacwalo Yena...Nekuna ni fela Muuna alimuñwi yana kona kueza cwalo, mi yani neli Jesu. Mi ki Ha taha ku to paka kuli yani neli Niti. Ne i li swaile. Mi sani sa kwalula maswayo kaufela a sabo, ni ku shandaula kaufela—kaufela za ku kakanya za bulapeli bobuñwi, ni zeñwi cwalo, koo bana baabatuna ba tahile ni kubulela lika zetuna, lika zetuna zetabisa; kono bona, mañi ni mañi, wa bona ba mwa libita. Kono bulapeli bwa luna bwa Sikreste kona fela bunosi bo buna ni libita la mukungulu. Mi seo si bonisa kuna kuli ki Yena Mulimu wa bafu, ni Mulimu wa baba pila, kuli Nakona kuzusa bafu, kukutela kwa bupilo hape. Mi Na...ona mata atisa kwa bupilo a, Moya opilisa wa Hae, u bonisize mwahala myaha kuli Ki Ÿena Ya kona kutisa bupilo kwa bafu, kukutela kwa bupilo hape hape.

³⁵ Mi ha Na bonisize ka sepiyo ya Hae, ona mata amatuna a kukoma a na Na ni, ka la Zuhō A bonisa kuli Na komile lifu, lihele, ni libita. “Ki na ya Na shwile, mi na pila hape, mi ni kupila kuyakuile; mi nina ni linotolo za—za lifu, lihele, ni libita.” Haki—haki pulelo ni yeo kuli mutu a bulele. Mi mane ha ki kuli Na li ezize fela, kono Na sa bonisize kale kuli Na—Na sweli za Na bulela.

³⁶ Mi Na sepa, Mulimu akufisa lizazi la kuli luna, sina Bakreste baba lumela Bibeleye, wakona kubonisa ze lu bulela. Mwabona? Sani kona se si ezahalanga, sina mo ne ku bulelezwi fa nako nyana yefitile kuli, “Lizwai la lifasi,” kezeli naize. Yeo ki niti. Lifasi lisweli kubata lizwai le. Mi cwale ha lukona kubonisa ka bupilo bwa luna, ni ka Bibeleye, kuli bupilo bwa luna bu paka

Linzwi lani kuba lelipila kacenu, kuli lani kona lizazi le lu libeleta.

³⁷ Linzwi... “Moya wo,” Maroma 8 mwani iize kuli :11 ili, “Haiba nji Moya ono zusize Jesu Kreste ukaba ku mina, uka fa mata mwa mibili ya mina ye shwa.” Na si ka paka fela ku Yena, ku luna, kuli Nali yena Jehova Muliululi mi nana ni mata fahalimwa lifu, lihele ni libita, kono hape Na lu file ni kabelo ya kuba ni Moya o swana, kuli luna kasibili lube ni sepo ye lu filwe mata a pilisa ka Moya wani. Kakuli Moya ono zusize Jesu kwa bafu uina mwa mibili wa mina, Uka fa mata kwa mibili ya mina ye shwa. Cwale, linzwi leo la *quicken* litalusa “kueziwa ya pila kasamulaho wa lifu.” Kasamulaho wa shwa, kona kuli lina ni kutiswa kwa bupilo.

³⁸ Lifasi li kwalezwi mwa kukakanya, ka masika amañata kufitela nako yeo. Se ne ni bonahalile, isiñi fela kubulela ka zona, kono ne li bonahalile. Ni sepa kuli yeo ki nto yeñwi ye swanelia luli...

³⁹ Sina Jesu hana ize, “Muye cwale, mulute macaba kaufela; ni ku ba bonisa, ka ku bonisa mata a Mulimu. Lisupo ze li ka latelela baba lumela.” Bona baba sepisa ni kubulela kuli ba lumela, U lufile kutwisiso ya yona ye swanelia, kuli, “Lisupo ze li ka ba latelela baba lumela.” Ikaba ponahazo ya bupaki bwa bona. Cwale, lwa kona kubulela kuli lwa lumela. Kono kufitela luba ni sisupo se si pakilwe sa Na bulezi kuli si ka ba ku luna, kona kuli lusweli fela *kuipulela* kuba balumeli, mi kusina *kuswala* tenyene zeapaka balumeli.

⁴⁰ Kakuli, muhupule... Mazazi nyana afitile, ne Ni teeleeza kwa—kwa tukiso fa silimba fa KAIR kwani kwa Tucson. Mi mukutazi yo nangile neku la ku lu lwanisa, kuli, “Bulapeli bwa pentekota ne si sesiñwi kono neli fela nto ya mbwashula. Nekuna ni... Kutokwe ya ka buteeleza. Ne bu sina mayemo.” Mi ali, “Mutu kaufela yana bulela ka malimi, ni lika ze, ni kuipapata kuba cwalo, afolise bakuli, ni zeñwi cwalo, ka tapelo, kuli ne li swanelia kuzwa fani. Ni ku lapelela batu baba fokola bani, kakuli nebali mwa—mwa kupumiwa, kuli nekuna ni se si fosahalile ku bona.” Oh, mo ne Ni lakaleza kuambola ni muzwale yani fa nako nyana fela! Mi ki hali... “Kuli, zeo ne li filwe fela kwa baapositola ka Lizazi la Pentekota, mi ani neli mafelelezo.”

⁴¹ Ni fumana kuli, myaha ye mashumi amalalu kasamulaho, Paulusi na sweli kubeya mazoho ka limpo ze mwa Keleke. Mwa Makorinte Bapili 15, kuli, “Na tomile mwa Keleke mpo ya kubulela ka malimi, limakazo. Mi limpo zeñwi ze kaufela ne li beilwe mwa Keleke.”

⁴² Jesu na bulezi cwalo. “Muye mwa lifasi kaufela mu kutaze Evangeli kwa libupiwa kamukana.” Kuisa kai? “Kwa lifasi kaufela.” Ku bomañi? “Sibupiwa kaufela.” Ha ba si ka Li amuhela. “Mi lisupo ze li ka ba latelela baba lumela.” Kuisa kai?

“Lifasi kaufela.” Ku mañi? “Sibupiwa kaufela. Lisupo ze li ka ba latelela, mwa lifasi kamukana, mi ni mwa libupiwa kaufela. Lisupo ze li ka ba latelela: ka Libizo la Ka ba ka leleka mioya ye maswe; ba ka bulela ka malimi asili; haiba ba nwa zekola, kamba kuswala noha, kamba kunwa sifanu, halina ku ba tiseza kozi; ba ka beya mazoho a bona fa bakuli, mi bao ba ka foliswa.” Yani neli tumo ya Hae ya mafelelezo kwa Keleke, Mareka kauhanyo yabu 16.

⁴³ Paulusi usweli kubeya mazoho limpo ze mwa Keleke, lilimo ze mashumi amalalu kasamulaho. Mi ali, mwa Magalata 1:8, “Haiba Lingeloi lelizwa kwa Lihalimu li kutaza ku mina evangeli isili kufita ye se mu amuhezi kale Ye,” mwabona, li kutalizwe kale, “yo abe anatema.” Ni lumela kuli pentekota ne ikalile kusina kufela. Ni lumela kuli i lukela kuba kwa sibupiwa kaufela, linako kaufela, kwa libaka kaufela, ko pentekota ina ni kufumaneha. Limbuyoti za pentekota li lukela kuba fa sicaba.

⁴⁴ Mi cwale, mbuyoti ya pentekota ye ki sikamañi? Ki tiisezo ya zuho. Ki kabakaleo Evangeli yona Kasibili italusa “makande amande.” Makande amande a sikamañi? U zuhile kwa bafu. “Mi kakuli Na pila, ni mina mu ka pila.” Mina bane mu shwile mwa libi ni milatu, Mulimu u lu file mata hamoho, ka Moya ono zusize Jesu kwa bafu. Mi luinzi cwale mwa libaka za Mahalimu ni Yena, inge lu ikambota ni Yena, lu ambola ni Yena. Ha ki tabo ni yeo ya kubulelela batu likande leo, baba lumela kuli ki Niti!

⁴⁵ Na komoka, kacenu. Ki ze ezahala. Kana lusweli kutisa sicaba ku Mulimu, kamba kana lusweli fela kubatisa kwa keleke? Lu lukela ku ba isa ku Kreste, ko kuna ni mata atisa kwa bupilo ao. Ki hande kuya kwa keleke. Luli. Haiba zeo kona ze lu yelanga fela, ha li si ka tunga. Ha u taha kwa keleke, zeo ki zende; kono zwelapili kuya ku Kreste, uzwe mwa keleke, kakuli lu lukela kuamuhela mata atisa kwa bupilo a, haiba nji lu kulubela kuba mwa zuho ya batu kamukana yani, kakuli kona nto inosi fela ye ka lu zusa kwa bafu. “Kakuli haiba Moya ono zusize Jesu kwa bafu wo uina ku mina, Uka fa mata hape, ku eza, kutisa bupilo kwa mibili ya mina ye shwa.” Ha ki sepiso ni yeo ku luna!

⁴⁶ Cwale mulemuhe. Ona butokwa luli bwa zuho ye ki ku bulelela ni ku bonisa, ni kubonisa kuli Jesu u zuhile kwa bafu. Ha si ka shwa. Ki ya pila. U pila mo. U ku luna. “Ni kaba ni mina, mane mwahala mina. Fa nako nyana lifasi halina ku Ni bona hape. Ibo, mu ka Ni bona, kakuli Ni kaba ni mina, mane mwahala mina, kuisa kwa mafelelezo a lifasi.”

⁴⁷ Cwale, sina Bakreste, kaufela lu ipapata kuli Wa pila, kamba lu filwe mata a kuzwa—kufiwa bupilo kuzwa kwa bupilo... kuzwa mwa lifu kutaha kwa Bupilo, ka Moya wa Hae. Mi haiba ha lu si ka fiwa mata, konakuli ha lu si ka fiwa bupilo.

⁴⁸ Cwale lu ka kena mwa tuto ye, haiba Mulena a lata, ni kuluta cwalo ka mizuzu yelikani, kuli: kana lu filwe bupilo, mi kikuli lwa kona kuziba hande kuli ye ki Niti?

⁴⁹ Cwale, bo kona bupilo bwa hao tota, bo ki bupilo bwaka. Kona ko kuna ni... Haiba ye ha ki Niti, se Ni bata kubulela, konakuli Ni alimuñwi wa batu ba ba likuba hahulu mwa lifasi. Ni file bupilo bwaka kwa sika se si sina mayemo, mi ni mina muezize cwalo. Kono haiba ki Niti, kona Ni kolotile kaufela ze Ni nani. Ni kolotezi lika kaufela ze Ni kona kuba zona, kwa musebezi, wa ze lu yemela. Mi Ni sepa kuli halu lukeli kulatehisa maikuto a luna a buikolwisiso.

⁵⁰ Mi sina ha lu bona kuli Zuho ya taha, i eza fela nto yeñwi kuna, sina ha Ni—Ni ziba kuli lani kona lizazi leo sika ne si swailwe kuyakuile, mwa meto a Mulimu.

⁵¹ Cwale, lu lemuha kuli, ki Moya o swana ono Mu zusize mwa libita, kona opila ku luna. Cwale, zeo likona kuba cwani? Moya o no zuhile, Mulimu, Jesu kuzwa kwa bafu, uina ku luna.

⁵² Cwale, cwale, ki Moya o fa bupilo. Ha ki Linzwi le li fa mata. Ki Moya o tisa bupilo kwa Linzwi, kamba kufa Bupilo kwa Linzwi, ku Bufo mafufa a kufufisa, ku Bufo swanelo. Ki Moya o eza cwalo.

⁵³ Cwale, buloto, fela kihona, ki buloto fela; kono cwale bupilo bo bu fa piliso ha bu kena ku bona, kukena mwa buloto, konakuli bwa ifa bupilo. Mi luna bane lu shwile, lwa eizzwa mwa sibupeho sa Mulimu, mi ibo lwa shwela mwa sibi ni mwa milatu, kuna ni nzila yeo Mulimu akona ku kenyenza Bupulo bo mwa mibili yamina yeshwa. Ni ambolwa mibili wa hao.

⁵⁴ Cwale, Jesu nali yena Linzwi. Mwa lumela cwalo, nji cwani? “Kwa simuluho...” Muñoli Joani 1, “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna.”

⁵⁵ Cwale, sina Mesia yana sepisizwe, A fa bupilo kwa Linzwi kaufela lene li polofitilwe kuli Uka eza cwalo; afolisa bakuli, ni mwa Na ka pepelwa ku mwalyanjo, kaufela zeo, li eza halile. Ki niti. Nali yena Linzwi, le li bonahalile fa lifasi faa, kono Na si ka eza se ka kuba fela sina Mutu. Ne si lwezi Moya wa Mulimu, ono pila ku Yena, kuli apilise lisepiso ze ku Yena. Ni sepa kuli lwa utwisisa taba ye hande cwale. Jesu, ka kuba Mutu, yena Kasibili, ka mibili, kono ne si lwezi Moya ku Yena, ona Moya. “Ha ki Na ya eza misebezi. Ki Ndate ya pila ku Na. Ki yena Ya eza misebezi.” Mwabona? Jesu yena Kasibili nali Linzwi, kakuli Na li... Fapila Mulimu...

⁵⁶ Le ki linzwi leli maswe kuitusisa, mi Ni sepa kuli mwa li utwisisa hande, fapila sicaba. Kono Na zibilwe kale ka kulemuhiwa kale ki Mulimu, mulelo wa Mulimu mo no lukela kubela, kuli Na ka luma Muliululi, mi Muliululi yo na kaba fela Mwana Hae Tota. Kacwalo, he, yani neli sepiyo ya Mulimu,

kuzwelela koo kwa simu ya Edeni, kuli Jesu ukaba fa. Kiyo Na li fa sina Mutu, na pepilwe ki mwalanjo, kono ne si lwezi Moya wa Mulimu kufa bupilo kwa Linzwi ku Yena. Mi nali Yena Linzwi, kutiswa kwa bupilo, Linzwi la tiswa kwa bupilo ka hola yani. Nako ne itile hane mu na ni kuba ni Muliululi. Mulao no palezwi. Lika zeñwi ne li palezwi. Cwale, si lwala Muliululi, mi Nali yena Muliululi yana sepsizwe. Na filwe mata a pilisa ka Linzwi la Mulimu.

⁵⁷ Mi cwale haiba ona Moya o swana wani onoli ku Yena wa kuba Muliululi mwa lusika lwapateni, o lu amuhezi sepiso ka ona mwa mazazi a mafelelezo a, se si ka eza halala; haiba u ba siemba sa Linzwi lani, u liuluzwi ni Yena, kakuli ona Moya o swana ono pila ku Kreste kona opila ku wena, otisa bupilo kwa lusika loo. Mi Uka eza hape, mwa nako ya maungulo, kufa bupilo kwa mibili yamina, ku i zusa, ku i shitula hape. Seo si zwis sabo ha lu talima fateni. Mi yeo—yeo kona Niti. Mwabona?

⁵⁸ Maroma fa, Paulusi u li pakile ku luna. Mwabona? “Haiba Moya ono zusize Jesu kwa bafu uina ku mina, Uka fa mata kwa mibili ya mina ye shwa.” Wo ki Moya o swana ono Mu zusize, wani kona ono file bupilo ku mulumeli wa niti kwa Bupilo Bobusafeli. Moya o no zusize Jesu kwa bafu uina ku mulumeli, kona ofa bupilo bwa mulumeli kutaha kwa Bupilo Bobusafeli.

⁵⁹ Kuna ni fela Bupilo bulibuñwi, Moya ulimuñwi wa Kuyakuile, Bupulo Bobusafeli bulibuñwi, mi yoo ki Mulimu. Mulimu, fela, kona bwa Bobusafeli. Mi cwale luna, kakuba bana ba Hae, lu siemba sa Hae, fo ki kuli, milelo ya kunahana kwa Hae. Mi muhupulo o bulezwi u ba linzwi. Mi, mañi ni mañi kulo mo, yana ni Bupilo Bobusafeli bo, neli kusikaba kale mutomo wa lifasi, mwa munahano wa Mulimu. Kona fela mo lokona kubela, kakuli u muhupulo o bonahalile. Koo ki kubonahaliswa kwa muhupulo, ko kubile Linzwi; mi Linzwi se li apezwi Bupilo, mi ki bwa Kuyakuile. Kona libaka haluna ni Bupilo Bobusafeli. Mwa mulao o swana o Mwana a Mulimu, yena Muliululi; lu fetuha bana ba bashimani ni basizana ba Mulimu, ka ona Moya oswana wani, ka zibo yeswana ya Mulimu.

⁶⁰ Mutualime fa ma milioni fa lifasi ana si ka amuhela Zeo nako ya taha Jesu fa. Kono ha ki kuitumela ni koo ko luna ni kuba mwateni kakusasana cwana, ka kuziba kuli luna ni bupaki bo buswanela hande mi ni bupaki bwa Bibele, kuli lu beilwe mwateni mwa zuho tuna yani ya kakusasana otaha, yona Zuhu ya paseka yano. Luna ni swalele ya zona, ona fa cwale mwa mibili yaluna ye shwa. Baba lelilwe kwa bupilo kona bapili, eni sha, kuli bafiwe bupilo, fo Moya o Kenile ha utaha ku tonga ba Hae.

⁶¹ Cwale, kuna ni pulelo yetuna, mi Ni bata kuli mizwale yaka ya bakutazi bautwisise se hande. Mwabona? Kwa simuluhu, Mulimu, Moya o mutuna, mane Na si neba “Mulimu” nako yani. Nali fela wa Kuyakuile Kihona. *Mulimu* ki “sibupiwa

se si lapelwa." Na sina sa ku Mu lapela. Nekusina—nekusina Mangeloi, hakuna sika kaufela. Ki Mulimu fela anosi, Yena anosi, ki wa Kuyakuile. Kono, fakuli kube Mulimu, nekuna ni kuba sika sa ku Mu lapela, kacwalo A bupa Mangeloi, ni Libupiwa, ni Makerubimi, ni zeñwi cwalo, kuli a Mu leapele. Mulelo wa hae omutuna ukala ku putulula.

⁶² Kono muhupule, mina, mwa—mwa sibupeho se muli ku sona, kakusasana cwana, haiba nemusiyo mwa munahano wa Hae nako yani, hamuyo mwateni ni cwale. Kakuli ku wena, kuna ni kalulo yeli ku wena, ya Kuyakuile, mi Kuyakuile fela ki kwa Mulimu. Mi Ku Mulimu ne kuna ni munahano wa kuli u ka ina fo inizi fo cwale. Mwa munahano wa Hae, Ne ni yemi fa katala kakusasana cwana, kakuli Yena hafeli mi uziba lika kaufela. Kabakaleo Na kona kubulela mafelelezo kuzwa kwa makalelo, kakuli ki Wa Kuyakuile. Mi wena, kakuba mwana mushimani wa Mulimu kamba musizana wa Mulimu, konakuli no li mwa munahano wa Hae kwa simuluho.

⁶³ Mi cwale Moya o Kenile ha utaha, mi u fa lifasi, uzamaya fa sina muezalibi, mwa bupilo bwa hao kuna ni sesiñwi. Ha u zibi se si ezahala, kono una ni tala. Ni utwile muzwale wa ba Presbyterian; Ne ni utwile wa—wa Baptist inza bulela, kwa mulaho kwani, nali wa—wa ba Freewill Baptist, inza kutaza kwa na kona kaufela. Muzwale waka, kuli wena, kuna ni sesiñwi ku wena, ki sika so si ka beya mwateni. Ki sika so si ka lakaza kuli sibe mwateni. Ki sika se si shutanela kwahule ni sibupeho sa hao. Ki zibo ya makalelo ya Mulimu, yesweli kunga sibaka, Linzwi la Mulimu.

⁶⁴ Sina Jesu hana pepilwe ali Mwana Mulimu, kuli abe Emanuele, ponahazo ya Mulimu ka kutala ku Mutu. Mi A Mu fumana ka ku utwela ko ku petehile, kwani kwa Nuka ya Jordani, inza kolobezwia ki mupolofita yani. Mi Amano Mu utwela fela, ni kuzwa mwa mezi, Lihalimu la kwaluha ku Joani. Mi abona Moya o Kenile ha u shetumuka kuzwa kwa Lihalimu, uli, "Yo ki Mwana Ka ya latwa." Mwabona? Kuutwela ko ku petehile, Moya no Mu batile, wa mutisa ka kuutwela.

⁶⁵ Oh, muuna ya yembana kamba musali, kakusasana cwana, ha unzi mo, mi kuna ze ku bulelela mwahali kuwena kuli Se si lukile, ki Moya o Kenile o sweli ku ku biza, ku kutiza kwa zibo ya Niti ya nako ye mo lupila cwale, isiñi mwa nako yeñwi yefelile, kono ki nako ya cwale.

⁶⁶ Nekuna ni likiti kitii kwani bene ba utwela hola yene felile. Kono nekuna ni hola ya tensi ya cwale, yani neli yona nako yakuli Jesu na lukela ku bonahala, mi Linzwi la yema fani. Ne ku yemi sicaba. Mi fa nekuna ni ponahazo ya Mulimu yene ngile sibaka, kupaka kuli yani neli Niti.

⁶⁷ Mi sina sicaba sa mapentekota, kacenu, mutuhele ni bulele cwana, kuli lu yemi mwa mazazi a maungulo aa moo Mulimu na

sepisize kuli U ka sulula kwa Moya wa Hae fahalimwa libupiwa kaufela, mi bana ba Hae babashimani ni basizana ba ka polofita. Kakuli Na ize, “Lisupo ze li ka latelela baba lumela.” Ki yona hola. Sani kona se si panga pupo ku mina.

⁶⁸ Sina hane Ni bulezzi kwanu, ha ki kale hahulu, ne ku utwahalile kashwau nyana kwa neku la bulapeli; kono Na sepa ha si cwalo, ku mina, kakusasana cwana. Mulimi yana beile mbande, kamba na beile kuhu, mi nana ni lii la mbande. Buñata bwa mina mwa hupula likande la mbande ya kale ye ne beezi za—za se . . . Kamba, kuhu ye ne beezi mai ni ku ndondola kuhu ye, kamba—kamba—kamba lii la mbande fo ne ibubami mwa mafufa a kuhu. Mwabona? Ki buino bwa mwa sibaka.

⁶⁹ Keleke ya ba Presbyterian, keleke ya Methodist, keleke yaba Baptist, ifi yateñi kaufela yakona kuba ni limbande zee. Luli. Ki buino bo bu eza lika. Sina Dr. Bosworth ha na bulelanga kuli, “Wakona kunga lii la kuhu ni kulibeya mwa . . . fokulobezu njia, ni ku li tamelela kuyona, njia ika ndondola kuhu.” Kiñi? Ki buino bwa mwa sibaka. Mi cwale keleke ifi kaufela kamba sikuwata sifi kaufela se si ka kopana hamoho, ni kulapela ba libale lituto za litumelo zabona ni lika zeñwi, ni kutalima hande ni pata ya Mulimu, i katisa limbande ka swanelo fela sina mo Ni yemezi fa cwana.

⁷⁰ Sani kona se Ni nahana kuli sikuwata sa baana ba pisinisi se si ezize, balika ku kwalula buino bwa sibaka. Se lubile hahulu ba mukowa. Yo ki wa siemba *se* mi yo ki wa *sani*. Ha lu shandauleñi buino bo bucawalo mi lu be ni buino bwa milapelo ya Lihalimu. Lube ni sibaka sa buino bobunde, limbande lika pepwa, mi—mi kuzwa mwa keleke ifi kaufela, kai ni kai.

⁷¹ Mi mbande nyana ye ya zamaya ni kuhu fa nako yetelele, kono haili—haili kulila kwa kuhu ne kushutana cwalo. Ne i sa uwtisis sene i talusa ha ne isweli kufata mwa—mwa—mwa manyalala a libunda la musitelo mwa—mwa mapatelo. Mi zani ne si lico, ku yena. Mi na ca likokwani, ni zeñwi cwalo, ili ze li sa cangi limbande. Kacwalo ne kubonahala ku ba bunca, kaufela, ku yona. Mi neli ye bonahala bumaswe; luli ki cona, ha ni buleli cwalo ka kuba ni kashwau, mwendi nali wa Freewill Baptist, mi, kono sesiñwi ka mulao wani, kamba wa Presbyterian.

⁷² Kono, mwa ziba, zazi leliñwi mahe a ziba kuli na beile lii. Neku lukela kuba mwana kokuñwi. Kacwalo a namulula mafufa a hae amatuna, mi ki ha bata bata ni kuba, inza huwa ka kutumusa luli kwa linzwi. Mi zazi leliñwi, afita kwa sishete. Mi cwale mbande nyana ye hane i utwile muhuwo o utwahala kuzibahala wo, ne isika li utwa kale fateni, kono ya lemuha kuli ne li utwahala hande kulikanelela inge sapalo kwa lizoho. Mi a ziba kuli yani neli yena mahe. Ni mahe aziba kuli yani neli mwana hae. Nasweli ku mu bata.

⁷³ Kona ni Mulimu mwa inezi, mwa lusika lufi kaufela, u tomezi Keleke ya Hae kwa lusika lwani, ili Liñusa la lusika lwateni. Mi bakona kuba ni milao ni sika kaufela se ba bata. Kono cwale hola yani ha itaha, Moya o Kenile wa Mulimu, onoli kwa simuluho wa hupula ni kubulela za lusika lwani, Moya wani u bata lii lani. Mi cwale ha utwa Liñusa lani, hakuna kopano ya keleke ye ka li swala. I ka nanuha kuya mwahalimu. Ina ni kuba cwalo. Ki nyunywani ye shutana. Ki sibupiwa se si shutani. Ki mbande, mi ika utwa muhuwo. “Lingu za ka liutwa Linzwi la Ka.”

Sina yomuñwi hana ize, Muzwale Williams, “Lico za Lingu.”

⁷⁴ “Lingu za ka liutwa Linzwi la Ka. Usili halina ku mu latelela.” Hakuna taba kamba keleke ibile ye likute cwani, ni butuna bwa libizo le i nani. “Mi lingu za Ka ha li utwa Linzwi la Ka,” ili lona Linzwi, “muenyi halina ku mu latelela.” Li kaya hande kuliba Linzwi lani, mi zakona kueza cwalo. Kuswana sina—sina—sina magesi.

⁷⁵ Zazi leliñwi, kwani kwa Indiana, ne Ni sweli ku potela libaka za mishini yebeta mabala, mi muloli wa utwahala. Mi mañi ni mañi a tubula masila a liapalo za hae, ni kukala kufiyela mwa . . . kuzwa mwa mishini yabona, kutaha fa bulilo bwa fahali, ni tuemba emba to ne ba sahile musihali. Mi Ne ni sweli kuzamaya ni muuna yana ni potolosa mwateni, mi ki hali, “Bona fa.” Mi kacwalo mutu ni mutu abeya—abeya sapalo sa ahe fa—fa tafule, aikela.

⁷⁶ Kwa mulaho koo, a yo swala kunupo yenyinyani. Mi fa kwa taha magineti yetuna, mi ya nopa siemba sa sipi kaufela yene sehuluzwi yani kwa liemba zani, cwale, ni ku zwela kwande. Ne li ku izwisa mwa mata a magesi; ni ku wiseza mwa tubana yeshengununa lisipi. Mi ya shengunuka hape, kuba siemba sesiñwi sa—sa libyana, nto yeswana, libapaliso kamba ne be panga sikamañi.

⁷⁷ Mi Na yena fani ni ku si talima, kufitela Ni—Ni lateha fela. Mi se Nili, “Ni komokiswa kinto yeñwi.”

Ki hali, “Ki sikamañi seo, sha?”

Mi se Nili, “Ni lemuha kuli zeñwi fani ha li si ka nanuha.”

⁷⁸ Ki hali, “Ki aluminiamu, mi magineti haikoni kuswala aluminiamu.”

⁷⁹ Se nili, “Na bona.” Mi ki hali . . . Mi se Nili, “Kihande, talima, ki yani sipi ya kainzi fani.”

“Kono wa bona, muñaka, ne i tamelezwifafasi.”

⁸⁰ Se nili, “Na bona.” Mi cwale ha na inopile Na li, “Cwale kiñi ze ezahalile, fani cwalo?”

⁸¹ Ali, “Ina ni ku kutela ku yo kaiwa sinca, i yo seliwa mwa pizana hape, ni kukuta hape ku to pangela fateni liwili lisili.”

Se nili, “Kulumbwe Mulena!” Kona cwalo. Mwabona?

⁸² Kuna ni magineti yetuna ye beilwe mwa mbyumbulyu, yeo Mulimu zazi leliñwi uka swala minwana ya Hae kuyona. Hakuna mutu ya ziba nako Ya Taha, mane nihaiba ona Mangeloi a Lihalimu, a zibi. Mulimu anosi ki yena ya ziba. Kono kuna ni likalulo zeñwi ze zwile mwa Bibebe, balumeli ba Bibebe ba Bakreste, balumeli ba nako yacwale. Alimuñwi wabona ukona kuba siemba sa sipi kwa mulah mwa lizazi leliñwi. Se sakona kuba siemba sesiñwi. Si ka zwelapili kutisa muzamao omutuna wa Mulimu. Kono si ka bupiwa kuba poto yetuna ya pizana ya Mulimu, ni kusela mwateni hape libupiwa za Mulimu. Mi ki bani fela baba kona kuswaliwa kwateni kona baba ka ngelwa. Oh, mwa ku . . . Ha ki litohonolo ni leo, ka kuziba kuli kuna ni sesiñwi mwa zuho se si lu ama!

⁸³ Cwale, mulemuhe, kulemuha pizo ya Linzwi la Mulimu, ili yona siemba sa lona. Mi ki mbande kwa mbande. Cwale, kambe me yani na ka huwa inge—inge maankoli, kambe ne isike ya li ziba. Ne i ka ikinela fela kwahule kwa sishtete. Kono neli muhuwo wa mbande. Nekuna ni sesiñwi mwahali a kanto kakanyinyani kani, kuli ne ka ziba kuli ki ka mbande.

⁸⁴ Mi taba yeswana i cwalo ni ku mulumeli wa niti kaufela. Mi kutazo ya Linzwi la Mulimu ha itaha, mi ya bonahala ni kupakiwa kuli ki Linzwi la Mulimu la nako yee, konakuli kuna ni Sesiñwi mwahala mulumeli. Hanina taba kamba na li ya sepahala cwani ndatahe kwa keleke, kamba mahe na sepahala cwani, kamba bo kuku a hae ne ba li cwani, mi haiba keleke yani i luta ka kushutana ni hola ye ya ka za kolobezo ya Liñusa la Moya o Kenile. Kuna ni sesiñwi ku yena se si ka huwa. U ka zwa mwa patelo yeo. Una ni kueza cwalo. Kuhu yakona kuba hande zazi leliñwi, kono ye ki hola ya mbande. Mwabona? Ya—ya shutana kwateni. Kuna ni sesiñwi, sa kuli, una ni kuzwa mwa sikalamunanga sa kale ni ku fufela mwa mbyumbulyu. Konakuli mubili wa lifasi wa fiwa mata ni kutiswa, ka Moya o fa bupilo, kwa ku utwela Linzwi la Mulimu.

⁸⁵ Cwale, mi Moya o Kenile wo, ha no yemelwa ki mbande yefufa fa sibaka, ni kufumana mulumeli. “Hakuna mutu yakona kutaha ku Na, hakuna mutu ya kona kutaha ku Na ka mwa batela. Kaufela ba Ni file Ndate baka taha ku Na, kono hakuna mutu yakona kutaha ka yena anosi.” Ha ki minahano ya hao fela, kuhoha kwa hao fela. Ki Mulimu, ya kuhoha. Mwabona? “Kaufela ba Ni file Ndate ba ka taha ku Na.”

⁸⁶ Cwale, Moya o Kenile uteni mwa lifasi mo, usweli kutilima fa batu bani bao Mulimu na lukiselize kale kwa Bupilo mwa lusika loo. Mi U sa li fumana fela, Uka eza fela mo ne U ezelize ku Jesu Kreste, Mwana yomutuna wa Mulimu ya Na lu liuluzi kaufela. Li tahafafasi ku to nga sibaka sa Lona mwa bupilo bwa batu, cwale, mulemuhe, ne li tisize mata afa bupilo. Cwale, ona mata afa bupilo ani ana tile ku Jesu na file bupilo ku Yena ku to bonahalisa sepiiso kaufela ya Linzwi la lizazi lani. Kona mo u

ezeza ni ona Moya o Kenile o taha ku luna mwa lizazi le, haiba ha moya o kenile wa lisheha, haiba ha ki diabulosi yasweli kueza lisheha Moya o Kenile, kono ki ona wa niti, Moya o Kenile. U ka bonisa sepiso ya hola ye.

⁸⁷ Hane Utahile ku Luther, No bonahalize sepiso ya hola yani. Hane Utahile ku Wesley, No bonahalize sepiso ya hola yani. Ha U taha mwa lizazi le, U bonahalisa sepiso ya lizazi lee. Ha U tahela Mushe, No bonahalize sepiso ya nako yani. Ha utahela Nuwe, Wa bonahalisa sepiso ya nako yani. Hane U tahela Jesu, Wa bonahalisa sepiso ya nako yani. Mwabona?

⁸⁸ Ki Moya o Kenile o taha fafasi, ku to fa mata a pilisa, ku to pilisa sicaba se si lukiselizwe ki Mulimu ku ba mwa Kuungelwa. Mulemuhe. Fo kikuli, haiba ki mbande ya niti, uka utwisisa Liñusa la hola haiba ki mbande ya niti. Cwale, mbande ya mwana yani hakulata, mwa patelo, neisweli kuca hande, kono ne—ne i ziba kuli ne i sa lukuluhi hande. Kono cwale ha utwa Niti, kona kuli ya amuhela Niti ye. Cwale, mwa Joani 14 . . .

⁸⁹ Joani 5:24, nitaluse, Jesu naize, ubulela ka nzila ye, “Ya utwa Manzwi a Ka, mi alumela ku Ya Ni lumile, una ni Bupilo bo bu safeli, mi ha na kutaha mwa katulo, kono uwile mwa lifu kukena mwa Bupilo.” Munahane fela mo ibezi bunolo taba yeo, “Ya lumela.” Cwale, nzila ye lukile ya kubulela ki kuli, “Ya utwisisa.”

⁹⁰ Cwale, uzwele fande mwa mikwakwa mi u bulele lihule kuli wena, “Wa lumela?”

“Luli.”

“Wa lumela kuli ki Mwana Mulimu?”

“Kiniti.”

“U kolobelizwe?”

“Luli.”

⁹¹ U yele cakolwa, uli, “U utwile Seo? U utwile mukutazi yani?”

“Eehe.”

“Wa lumela Cwalo?”

“Luli.” Mwabona?

⁹² Kono, “Ya utwisisa, ya ziba sibaka sa hae mwa hola ye, ya utwa Linzwi la Ka mi alumela ku Ya Ni lumile, una ni” (tensi yacwale) “Bupilo Bobusafeli. Hana kutaha mwa Katulo, kono sa zwile kale mwa lifu kukena mwa Bupilo.” Mi cwale Bupilo bo bunca bwa Kuyakuile ha bu pila ku wena, Ki ona mata, kamba swalele ya kufiwa mata kwa hao kuzwa kwa kushwa kutaha kwa ku sa shwa.

⁹³ Mutuhele ni bulele cwalo hape. Moya Wo cwale ha se u ku fumanji, wena ka buwena, mi u tile fahalimwa hao, Kona mata a buswa bwa hao bwa Kuyakuile boo Mulimu anahanile ka wena

ni ku kuezeza kusikaba kale mutomo wa lifasi. Ao kona mata a mayemo a hao.

⁹⁴ Inge ha ne u ka ni kupa kota ya oke, mi Ni kufe ya singandi sa yona. Cwale, bu—bu—bu bupilo bwa kota ya oke bu mwa singandi sateni cwale, kono una ni kulibelela kufitela ihula.

⁹⁵ Ni luna lu cwalo. Ha u amuhela Moya o Kenile wa Mulimu, Ki liswanelo za Mulimu ze libelezi ku wena, zeo li ku lemuhile kale. Mi u swailwe ka Moya wa sepiso, wa Mulimu, kukena mwa Mubili wa Kreste. Fani Mulimu hana talimile fa Kalvari ni kubona Jesu inza shwa, Yena fela... Na shwezi Munyaliwa wa Hae, ona Mubili, ili yona Keleke ya Linzwi, yona Keleke ye lumela Linzwi la Mulimu kwa lusika lwateni, kamba ki mautu, mubili, toho, kamba kaufela seili sona. Mwabona? Ki... Kreste na suluzi mali ni kushwa. Mi Mulimu, inza Mu talimela, abona zuho ya Hae, mi Keleke ya zuha ni Yena ka la Paseka.

⁹⁶ Cwale, Ni bata kuli mu utwe taba ye kaufela hamoho, kakuli Ni na ni sesiñwi fa hanyinyani, se Ni bata kubulela, haiba Mulena alata.

⁹⁷ Cwale mulemuhe. Ki swalele, kamba mata a mayemo asika. Mata atisa kwa bupilo a zuho ya hao, ha u amuhela Moya o Kenile, kona kuli upila ku wena, ka swanelo ya mayemo a ona.

⁹⁸ Mulemuhe, seuli—seluli cwale mwa musipili wa hao, uhulela mwa zuho yetezi. Hakuna kota yehulanga fela busihu bulibuñwi. Ina ni kuhula, halunze lu hula mwa sishemo ni zibo ya Mulimu. U kolobezwa mwa Moya o Kenile. Cwale, sina Keleke ya pentekota, ye kolobelizwe mwa Moya o Kenile, I kala kuhula. Mitai ya shwa. Ne ba a kokozi kwateni. Kono Kota isa zwelapili kuhula, i sa zwelapili cwalo, kakuli I lukela kutaha kwa zuho.

⁹⁹ Ba zamaiswa ka Moya, kuli batise bupilo kwa Linzwi ku mina babali balumeli. Linzwi lizwelapili kufa mata, haunze utaha kwa mutai wapili, mutai wabubeli, mutai wabulalu, kutaha cwalo ka kupahama. I zwelapili fela ku ba ni mata a pilisa. Moya wa Mulimu u zwelapili kufa bupilo ku mina.

¹⁰⁰ Mulemuhe cwalo, Pentekota, mibili ya bona ne i filwe mata a pilisa ka Bupilo bo bunca bo ne ba amuhezi. Seo si ni utwisa bulapeli. Munahane. Cwale, fa nekuna ni baana, bayambi, batelisi, basali nyana baba ishuwile... ni bafumahali fela ba mwa lapa, basizana nyana fela balanjo. Nebali balumeli. Ne ba lumela kuli ye neli yona Niti. Ne ba lumela kuli, mi Jesu ha shwa (Ne ba lumela ku Yena.) ni kuzuha hape, kuzwa kwa bafu, ne ba lumela kuli neli bupaki bwa Mulimu, kuli Na Mu file mata aisa kwa bupilo.

¹⁰¹ Cwale, ba ba kambama, kuya kwa Lizazi la Pentekota, kuli ba amuhele makalelo abona. Kikuli mwa ziba makalelo asika kuli kiñi? Ki foo mulatu ha u felizwe. Ne baile kwani ku yo amuhela tifo yeñozwi ka makalelo a yona. Mi ba fiwa mata a

pilisa, kamba ki tabo ye cwani! Ne ba lekile naha; ye ne ne ba lekezwi. Ba i amuhela.

¹⁰² Kana ki niti kamba nee? “Lu Mu boni ha zuha, kono cwale kucwani ka luna? Lu lipaki. Ne luyemi ni kubona Muuna yani ha kokotelwa. Lu boni malu ataha mwa lifasi ni ku unsufaza mahalimu. Mi ni—ni lifasi la nyungana; ne libile ni sabo yetuna. Mi cwale... Ba Mu beya mwa libita. Ba Mu taba kwa pilu, ka muwayo, mi ba pahulula mubili wa Hae ni ku ubeya mwa libita la Josefa Arimatea.”

¹⁰³ Mi cwale ba fumana, kuli, ka lizazi la bulalu, A zuha hape. Mi sina mulutiwa hana ize, “Lu lipaki za taba ye. Lu Mu boni ha zuhile. Lwa ziba kuli Wa pila.”

¹⁰⁴ Cwale sani ne si ezize sikamañi? Sani ne si ngile sabo kaufela. Ki kabakaleo Jesu naize, “Musike mwa saba. Kina ya Na shwile, mi na pila kuyakuile.” Mwabona? Ne li zusize sabo kaufela, ha ba eza cwalo.

¹⁰⁵ Cwale, kono hane baile kwa Pentekota, kwani ba amuhela mata afa bupilo, mata ana ba file bupilo.

¹⁰⁶ Cwale fani kona fo Ni nahana kuli, mina ba Presbyterian ni mizwale ba Methodist, mu amuhela manzwi amañwi ka kulumela ku Mulena Jesu Kreste, kono pampili ya bupaki haisika taha kale. Koo kona ku feza kwa tufo.

¹⁰⁷ Mulimu nafile Abrahama sepiso. Abrahama na lumezi Mulimu, mi abalelwaa kuli ki kuluka. Kono A swaya bulikani ka liswayo la mupato.

¹⁰⁸ Mi Mulimu ukufa sepiso, ka manzwi amañwi, ki kuli u i amuhele, mi u ka zusiwa, mubili wo uka fiwa kanya ni Yena kwa nako ya maungulo. Kono, mwa bona, muna ni kuba ni swanelo fa kezo yeo. Mi tifo kaufela ki foo lika kaufela zenyazahala ha se li zwisizwe kwatene, mi muba ni pampili ya taba yayona. Una ni liswayo. Ki ya hao. Lika kaufela ze kuyona ki za hao. Amen.

¹⁰⁹ Mi cwale ha lu lumela ku Jesu Kreste ka Mupulusi wa luna, ni kubaka mi lu kolobelizwe, ni kutaha ku to Mu lumela; Mulimu wa lemuha kubaka kwa luna ni tumelo ya luna ku Yena, mi u luma pampili ya bupaki. Mi pampili ya bupaki ki sepiso. Ki bupaki bwa kuli, lika kaufela ze kile za ku Iwanisa, u libakezi ka kutala. Haleluya! Mi sibyana se si lekilwe, mi usweli pampili ya bupaki bwatenei.

¹¹⁰ Mutu yomuñwi alike kunyamatala ku ku zwisa mwa naha, lubulele kuli mona mo pila, kono wena usweli pampili ya bupaki bwa lizoho. Yo alike kueza cwalo. Hakuna mulao mwa naha o kona kueza cwalo, kakuli una ni papili ya bupaki.

¹¹¹ Mi hakuna diabolosi, hakuna keleke, kamba neba tuto ifi kaufela ya bulapeli, yekona ku ku cela mululwani wa sepiso ya pakile Mulimu ni pampili yateni, kuli kolobezo ya Moya o Kenile i lu lemuhile ku Jesu Kreste. Luna ni niti ya kulu lu ka zuha sina

mwa Na zuhezi, kakuli kuya ka buino bwa lika lu zuhile kale ku Yena. Amen.

¹¹² Lik aza kale. Si eza sikamañi kwa mibili ya luna ye shwa? Si fetula maikuto a luna, ku cinca minahano ya luna. Si toma mihipulo yaluna fa lika za kwa Lihalimu. Mi kuzuba, kunwa, kulaula, lika zo no ezanga, li shwile. Li mwatasi a hao.

¹¹³ Mi u filwe mata a pilisa. Mi ona mata atisa kwa bupilo ao atisa mubili wa hao mwa buino bo bu ngilwe, kale. Mulemuhe sicaba sa mapentekota kwani, hane ba filwe mata a pilisa ka Moya o Kenile. Mu ni teelete. Fani sirkwata sa mapentekota sani hane si tile kwani, ka Lizazi la Pentekota, ne ba amuhezi pampili ya bupaki bwa bona kuzwa ku Mulimu, luli, ne li file kanya kwa mioyo ya bona. Ba huwa. Ba bona malimi a Mulilo a ikabile fahalimwa mañi ni mañi wa bona. Mi mane wa fa mata kwa mibili yabona, kufitela ba palelwa kubulela mwa mushobowa lifasi mane. Wa fa mata kwa mibili yabona kuba ka mushobo wa Lihalimu, Sibaka ko bana ni kuya. Mata atisa kwa bupilo a Mulimu na nyanganyize mibili ya bona ye shwa cwalo, kufitela mushobo wa bona kaufela wa nama ha u to fetuha, a cinciwu kuba mushobo o sa shwi. Ha ki mata atisa kwa bupilo ni aon! Sikamañi? Ki sika sesina ni mayemo.

¹¹⁴ “Haiba Moya ono zusize Jesu kwa bafu, uina mwa mibili ya mina ye shwa, Uka fa mata kwa mibili ya mina ye shwa hape.” Lu filwe mata a pilisa cwale ka mata a Mulimu ya pila.

¹¹⁵ Malimi, kufiwa mata kwa mushobo o munca wa Lihalimu, ku to bulela ku bona; ki kungelwa mwahalimu, kuzuhela mwa sibaka sisili kufita mo ne ba pilanga sapili. Hape, ni Bupilo bo bunca ku bona, bone butile ku bona, Ne bu file mata apilisa kwa mushobo wa bona. Ba bulela ka malimi asili. Oh, eeni!

¹¹⁶ Cwale amu ba talime. Hape ne li bupezwi ku ba fa zona, kuya ka bupaki boo, ne li ezipwe kuli libafe sepiso kaufela yeneli yemi itomilwe. Sepiso kaufela fa mayemo a Linzwi la Mulimu, yene sejisizwe mwa Bibebe, mata a pilisa ani na filwe kubona, kuli atise bupilo kwa sepiso yani kubona. Kabakaleo, ne ba beya mazoho fa bakuli, ne ba foliswa. Ne ba bulela ka malimi asili. Ne ba eza lisupo zetuna ni ze komokisa, kakuli zani nelili mwa sepiso ya Mulimu. Mi cwale Jesu ha na shwile, kuli akutise sani ku bona, mayemo ana lukela kuba a bana ba Mulimu, Na bonahalisa seo Mulimu nali sona.

¹¹⁷ Kana luna lu ka nyamatala cwani ku itwaeza seo ni ku si beya mwa kopano yahesu? Haluna tukelo ya kueza zeo.

¹¹⁸ Ki Moya o Kenile, kacenu, o zuma lipilu ze sepahala ze ka lumela Liñusa lani. Lik aza kaufela mwa Bibebe, ze ne sejisizwe, li ku mulumeli yani. Mi ha u li amuhela mwa mutalelela wa lona, mi Mulimu uziba kuli uka eza cwalo, Uka kufa pampili ya bupaki ku sona. Mi cwale sepiso kaufela ye ezipwe mwa mayemo a hao, ni Moya o Kenile uteñi kuli u kutise kwa bupilo. Oh, mawi!

Ki—ki batu ba mufuta mañi bo lu lukela kuba bona? Ha ki bunde ni boo kubona Moya o Kenile omutuna wa Mulimu fa kueza mata ao! Munahane fateni. Kanti, haiba Moya o Kenile ona kasibili, mo u to paka za hola ye. Jesu na bulezi cwalo. Yena wa swana maabani, kacenu, ni kuyakuile.

Kana mutu uka nyamatala cwani kuzwisa seo mwa Teñi?

¹¹⁹ “Misebezi ye Ni eza muka i eza ni mina,” Joani 14:12. “Lisupo ze li ka latelela baba lumela.” Yani kona sepiso. Ha lu bona sikwata sa batu baba inzi hamoho, mi lisupo zani inge li iponahaza, yeo kona sepiso yakuli pampili ya bupaki i teni ye paka kuli sani ki sibyana sa Mulimu. Amen.

¹²⁰ Kacwalo, luna lu Zuho, hape. Amen. Se luli cwale mwa Zuho ya luna. Lu se lu zuhile kale, haleluya, kuzwa kwa lika za lifasi, kuzuhela kwa lika za sepiso ya Mulimu. Isiñi kuli luka zuha; lu zuhile. Ki lika zeliteñi.

¹²¹ Ki sepiso ya Mulimu. U ka sulula kwa Moya wa Hae mwa mazazi a maungulo, mi sani kona se ba ka eza. Mulemuhe, ba beya mazoho a bona fa bakuli; lika kaufela ze neli mwa sepiso ya Mulimu. “Ni ka sulula Moya wa Ka mwa mazazi a maungulo, fahalimwa libupiwa kaufela. Baana bahulu ba mina ba ka lola litolo. Mitangana ya mina ika bona lipono.” Mi lisepiso ze shutana ze kaufela za Na file, lika kaufela liinzi ona mwani mwa sepiso ya Mulimu. Jesu na lu liululezi zona. Mi cwale ha lu ba . . .

¹²² Kamba, luna, haiba lu supilwe kuba fa mayemo ao, haiba lu supilwe kuba fa sibaka seo; inge mbande ye zamaya mwa siyaleto sa kuhu. Haiba u beilwe fa mayemo amañwi, Moya o Kenile uteñi mo u ka ku fumana. Mi ha U ku fumana, u ka lemuha pizo ya Ona. U ziba hola yo pila ku yona. Mu ziba kuli lika ze li lukela kuezahala. Kapili ungilwe ku yo I katanyeza, mi cwale uinzi mwa libaka za Mahalimu ku Kreste Jesu. Oh, ha ki sepiso ni yeo! Ha ki Ndate wa Lihalimu ni yoo, Ya ka lufa lika zee!

¹²³ Moya u fa bupilo kwa kopano ni Mulimu, ili kuli ba bize bafu kukutela kwa bupilo, mwa lizazi lani. Ne ba lobaza mibili ya bona fa bafu; ne ba kutela kwa bupilo. Muteeleze hande. Ne ba ezize lika zeswana za na ezize Jesu kakuli ona Moya o swana, onoli ku Yena, noli fahalimwa bona. Haiba Moya ulimuñwi uezisa mutu kueza ka taba ye, uka eza kuli ni yomuñwi aeze ka nzila ona yani. Haiba alimuñwi . . .

¹²⁴ Kana Wo ukona kutaha cwani fahalimwa yo, abulele kuli una ni Moya wa Mulimu, ni kulatula misebezi ya Mulimu? Hakoni kueza cwalo.

¹²⁵ Mulemuhe. Bupilo bwa Mulimu, bo mwa Sigerike bo bu bizwa kuli Zoe, u zamaya mwahala bona ni ku bona, afa bupilo kwa minahano ya bona kwa Linzwi la Hae. Cwale, halu boneñi ni bulele ka kukuza cwale. Moya wa Mulimu o zamaya mwahala sicaba kona utisa kwa bupilo ngana ya mutu kutaha kwa sepiso

ya Mulimu. Mwabona? Kona mo libela ona cwalo. Mutualime. Mi Ni lika ku mi bonisa za—za...ni ku mi lemusa kuli Ni bulela cwale za Keleke, mi hape ni kufiwa mata a Bupilo, ku Yena.

¹²⁶ Nihaike, nebali fela milelo ya Hae, ka kukala. Kono haiba Mulimu naize, "Mwa lizazi *le*," kwa mulaho kwa simuluhu, "John Doe ukaba mutanga Ka," myaha ye lule kwa mulaho. Cwale, John Doe u pepilwe mwa sibi, ubupilwe mwa bumaswe, utahile mwa lifasi inza bulela buhata, kakuli ki wa nama yeshwa. Kono, mwendi, uba ni maikuto nyana a bulapeli. U ka yo ikopanya kwa keleke. Mwendi uka ikopanya kwa keleke ya Pentekota. Ha zibi. Wakona ku ikopanya kwa sika kaufela. Kono mutuhele akene mwataswa buino bwa sibaka sa Mulimu, hañwi. Mwabona? John Doe utamehile kulemuha Yo Ndatahe ali yena, kuswan fela sina mbande yani mwa na lemuhezi yo mahe nali yena. Lina ni ku li lemuha. Mwabona? Fela, yena John Doe yani ki mulelo wa Mulimu o fetuhile linzwi, le li bulezwi, mi cwale Moya o Kenile ubata linzwi le li bulezwi leo. Ki se fa. A mu biza, u mufa Bupilo bobusafeli, ni ku mutisa fapila Kubateni kwa Mulimu, Linzwi la Mulimu.

¹²⁷ Mutualime. Mulimu nana ni nto yeswana ha Na boni Jesu. Neli za—neli musebezi o felizwe o Mulimu na felize ni Jesu, ha Na bulezi kuli, "Ku felile." Mulelo kaufela ne se u felile.

¹²⁸ Mi cwale Moya wa Mulimu ha utaha fahalimwa hao, mi kaniti u yomuñwi ya milelo ya Mulimu ya Na bulezi ka yona. Cwale, haiba ha u cwalo, uka komoka ni kufilikana, ni kumata *kwanu ni kwani*, ni lika zeñwi kaufela, mi kusina kutaha kwa zibo ya Niti. [Hakuna manzwi fa tepu—Mu.] Haiba u alimuñwi wa zona, lika za kale li ka fela kapili, mwabona, mi uba yomunca, mi mulelo wa puluso u felile. Mu itukisize ku utwela Linzwi kaufela leo Mulimu akile abulela ka mina, mwabona, kuli mueze. Mu ipeya kutwela Linzwi la Hae. Kutwano, handende, pampili ya kutwano, pampili yepaka muña sika sa kuli ki ya hao. Likoloti kaufela li lifilwe. Kaufela li takuzwi, mi sina mo ne kuinezi ka Lizazi la Pentekota.

¹²⁹ Cwale halu lemuheñi kufiwa mata kwa, ona Moya o fa piliso lu utalime fa batu babañwi.

¹³⁰ Cwale, Ni mi bulelezi kuli ha Ni koni kubulela nako yetele hahulu, mi Ni na ni fela mizuzu ye mashumi amabeli ya kubuluka manzwi aka, haiba Ni eza cwalo, mulemuhe, kubuluka nako ye Nibulezi, mwendi—mwendi hola fela cwalo.

Mulemuhe cwale ona mata atisa kwa bupilo aa. Ani fela ataha...

¹³¹ Cwale, kuna ni zeñata ze sehiwa Mwateni. Kuna ni batu babañata baba nahana kuli bana ni Ona, kanti habana mane. Batu babañata baezanga cwalo kakuli bana ni maikuto a buhata ka ze ba boni Bakreste babañwi baeza. Satani wakona kulikanyisa yeñwi ya zona kaufela. Lwa ziba cwalo. Mi sina

bahasanyi ba linzwi, mwakona kubona ha li likanyiswa: kuhuwa, kubina, kubulela ka malimi, lika ze kaufela. Mwakona ku li bona ha li likanyiswa kai ni kai. Kiniti. Mwahala mahedeni ni batu baba latula kuli kuna ni sika sakuli Jesu Kreste yena Mwana Mulimu. Mwabona? Mi ba eza lika zani kaufela, bona kasibili.

¹³² Kono haili Moya wa niti, o tiswa kwa bupilo otaha ku mulumeli, u mufa bupilo bwa kutaha kwa Linzwi la Mulimu, zani ki kukutela kwa Sico sa limbande hape, ku kutela ko apila. “Mutu hana kupila ka buhobe fela, kono ni ka Linzwi kaufela le li zwelela mwa mulomo wa Mulimu.”

¹³³ Kifo cwale ha lu lemuheñi Moya ofa mata a pilisa wo haunze Utaha fahalimwa sicaba sesiñwi, inge mo Ne uezelize ka—ka Lizazi la Pentekota.

¹³⁴ Halu lemuheñi Pentekota, mo ne ba ezelize, mi lubone haiba ne ba filwe mata a pilisa ka ona mata atisa kwa bupilo ao lu bulela ka ona. Ka Lizazi la Pentekota, ne ba libelela kaufela fahalimu fani. Ku bona bañi, ne ba sabile. Majuda, ona mo ne ba ka ezeza fela, kacwalo ba saba. Kono ki sikamañi sene si ezahalile? Fani mata atisa kwa bupilo ani ha na wile kuzwa kwa Lihalimu, neku na ni bundume bone bu beilwe ku bona. Nekuna ni sesiñwi, neli kutwisiso, yone ba sa zibi hande za yona lihola nyana za kwa mulaho. Ne ba ziba kuli Na—Na shwile.

¹³⁵ Ba ziba kuli U zuhile. Ne ba ambozi ni Yena mwa nzila. “Kono kana taba yani neli yabona nji, kamba neli fela za bona, ku Jesu Kasibili?”

¹³⁶ Kono fa ka Lizazi la Pentekota, ona Moya o Kenile, pampili ya bupaki ne iwezi balumeli. Sani ne si ba ezize kuba siemba sa zuho ya Hae, ku mu eza kuba siemba sa kopano ya Hae. Moya o Kenile wa taha mi wa to paka ku bona kuli ne ba ka zusizwe, kakuli ne ba zusizwe ka manzwi amañwi nako yani, kuzwa kwa kuba batu ba mapyeha kuba baana ba linata ni lindume.

¹³⁷ Neba—neba saba Linzwi luli lene ba hupula. Musike mwa tuhela se ku mi fitelela. Ne ba saba. Ne ba ziba kuli Nali yena Linzwi lani.

¹³⁸ Neba Majuda neba na ni ku lumela cwalo. Nekudema naize, “Muluti, lu ziba kuli ki Wena muluti ya zwa ku Mulimu. Hakuna mutu ya kona kueza lika zo eza konji haiba Mulimu aba ni Yena. Cwale, lwa ziba cwalo. Lu zibile cwalo.”

¹³⁹ Kacwalo balutiwa... Pitrosi mane na ikonkezi Fapila Hae. Kaufela bona ne ba Mu hanile fa sifapahano.

¹⁴⁰ Kono fa cwale bainzi mwa ndu ya fahalimu ye, fa Pila Mulimu. Mi, hañihañi fela, se kutaha Moya o Kenile wo kuzwa kwa Lihalimu, mi Wa ba fa mata. Mi kufiwa mata a bupilo kwa ezahala, ne ba sa sabi kuli bafe bupaki bwa Liñusa lene ba lumela ni kuziba kuba la Niti. Kusi cwalo, ne ba Li saba.

¹⁴¹ Ki ba bakai ba Presbyterian, ki ba bakai ba Methodist, ki ba ba baki ba Baptist, mwa lifasi kacenu, ki Mapentekota babakai, baba ziba Niti mi ba saba ku yema ka Yona? Ni hapelezwa ku komoka, kuli neli sikamañi sene si wile ku wena? Kana u siezamba sa zuho ya Hae nji? Kikuli wakona kulilela mulelo wa tuto ya litapelo za mutu? Kamba, kana una ni bundume bwa niti mi ni—ni buuna sakata bo bu swanela, kuyema ni kubiza kuluka kuli ki “kuluka,” ni bumaswe kuli “bumaswe”? Kana u siemba sa zuho ya Hae, kamba kikuli u mulapeli wa sikhata sa lituto za litumelo? Kana u yanga kwa keleke, kikuli uñolisize libizo la hao kwateñi, mi ushwile mwa sibi ni mwa bumaswe?

Ya sa lumeli Linzwi la Mulimu kaufela ki muezalibi.

¹⁴² Bafarisi bani neba lumela mwa lika zeñata, kuli ki Niti. Ne baize, “Lu bana ba Mulimu.” Mi nebali cwalo, kufitela Linzwi lani ha li kutazwa. Kono cwale Linzwi lani hane li kutalizwe ni ku bonahaliswa, mi ba ba baezalibi, ka kuhana Sika sene ba ziba kuli si lukile, ni ku si paka. “Lu ziba kuli ki wena muluti ya zwa ku Mulimu, kakuli hakuna mutu yakona kueza lika Zo eza kusina Mulimu kuba ni Wena.”

¹⁴³ Na komoka kacenu, lukai kana? Na mi buza. Kana zuho ye i lu fumana kai? Kikuli wa nyamatala kuzwela fande? Kikuli mu nyamatala kunga Mulimu ka Linzwi la Hae? Haiba mu supilwe kwa Bupilo, kaniti muka eza cwalo. Haiba u mbande, haukoni kuikambusa kwa kuba cwalo, kuna ni Sesiñwi ku wena. Kamba, kikuli ubata fela kusebeleza tuto ya tumelo kokuñwi, kuli, “Nayanga kwa keleke. Ni swana fela sina wena mo uinezi”? Mwabona? Haiba hauna tukelo ya kupepwa, hauna ku libona, haukoni ku li bona. Kono haiba una ni tukelo ya kupepwa kwa, hauna kuikambusa kwa kulibona, kakuli ki siemba sa hao mi wena u siemba sa lona.

¹⁴⁴ Ni kona kuhana cwani boma baba ni pepile? Kana Ni kona kuhana cwani bondate, kanti mali abona abuba kuna? Kana Ni kona kuhana cwani Charles Branham kuli ha ki bondate? Hani koni kueza cwalo. Ni itakaleza kuyemela linyefulo za hae kamba sika kaufela, kakuli Ni mwana hae. Haleluya!

¹⁴⁵ Mi ka kuba mwana wa mushimani wa Mulimu, mi Nali yena Linzwi la Mulimu, kana Ni kona kulantula cwani Bibele yani kuli ki Niti, kuli Jesu Kreste ha swani maabani, kacenu, ni kuyakuile? Ni kubona hola ye lupila ku yona, lutokwa Paseka mwa keleke. Zuh! Lu tokwa zuho, kuli ife mata kwa tumelo, baana ni basali ba lukela kuyemela se sili Linzwi la Mulimu le li pakilwe.

¹⁴⁶ Muli, “Kihande, luna ni Bunca bwa luna ku Kreste.” Zeo li lukile. “Keleke ya luna ina ni mukopano. Lu bata ma membala baba kuma fa *kuli*.” Hakuna ze ni lwanisa ka zeo. Zeo li iketile. Kono bwani fela ki buino bwa sibaka. Zeo ikona kuba mafufa a kuhu. Kono haiba uka kena mwa buino tenyene mwani, bu ka ndondola mbande haiba wena u lii la mbande. Mi haiba no

lukiselizwe kale ki Mulimu ku libona, haukoni ku ikambusa ku libona, fohe utaha mwa hande mwa zuho. Cwalo kona o ne ba pepezwi ba Baptist, kona mo ne ba pepezwi ba Methodist, mwa zuho ya lizazi lani, kono ba fetuhela kwa kuhu mwa sibaka sa mbande.

¹⁴⁷ Sina hane Ni bulezi ha ki kale hahulu, ne ni zwa kwa Tucson, Ne ni boni nto yeipitezi luli. Ne ni boni maankoli yana lulile fa muhala kwani. Maankoli yani u latehezwi ki mayemo hae kale koo. Ne ibanga nyunywani yetatama kwa mbande. Ne i sa latelelangi mbande; batili, kutokwa sha. Hakuna se si kona kulatelela mbande. Kono nali maankoli.

¹⁴⁸ Kreste ki yena Mbande, mi keleke ilukela kuba maankoli mwesha. Za kona kufufa ku kambama kufita linyunywani zeñwi kaufela zesiyezi. Kono maankoli yani ibile ye bunolo. I latehezwi ki zibahazo ya yona. Iinanga fa mihala ya mawaile ni kulibeleta shakame yeñwi yeshwile. Icuñuta sina linoñu, mwa sibaka sa kufufa sina maankoli.

¹⁴⁹ Oh, muzwale waka, kezeli, mina sicaba sa Pentekota, mina muli sicaba saka sesinde! Keleke i latehisa zibahazo ya yona. I taha ishetumuka ka kuitinga fa tuto ye tumelo yeñwi yeshwile, mwa sibaka sa kufufa mwa Lihalimu, kwahule, kwa manna yenca.

¹⁵⁰ Maankoli ne ii selelanga manna yayona, kono kacenu i topelanga ze hatilwe ki limota ni ze cilwe ki manoñu. I cuñuta inge iliñwi yazona. I bonahala inge iliñwi ya zona.

¹⁵¹ Lu apezi hahulu mwa lifasi la kacenu, basali ba luna banze bakuta milili yabona, ni kutina tuputula, baha ndate baluna habana lisapo hande la moongola kuli bayeme fa kataла ni kubulela niti. Lu se lubile hahulu baba bunolo fa Linzwi.

¹⁵² O Mulimu, luma Moya o Kenile ni kutalima limbande zani kokuñwi, ze libelezi kuyema kulo kwande, hakuna taba ka se si ezahala, zeo li ka pahama kufita ko ku sa zibahali, isiñi kuina fa mihala ya luwaile ni kutalima fa libuka za sikolo sa la Sunda kuli litahe. Tuhela kuli ni be ni Linzwi, mi ni mwa bunca bwa mata ni ponahazo ya Moya o Kenile. Lu tokwa Paseka, ili zuho yena ni mata a yona. Mulikana ka, haiba u ikutwa kulikana ni nkukwe ya lifasi, kuna ni se si fosahalile.

¹⁵³ Kezela ka, muzwale waka, tuhela ni ku bulelele, cwana, mwa sabo ya bumulimu, ka kuziba kuli hakulata Hanina kupila kubona Paseka yeñwi hape. Kono kuna ni nto iliñwi ya niti, haiba mwana wa niti ya lelilwe ki Mulimu, ka Linzwi la Mulimu, ha utwa Linzwi la Mulimu lani, uka nanuha ni ku Li katana. Ki mata a makalelo, kuli uka kona ni Linzwi la niti le lipila. Ka mwa Na inezi, Munyaliwa uka kopana ni Munyali. Ki siemba sa Mubili wa Hae.

¹⁵⁴ Mulemuhe, butelele bolutahile, lu ya lu latehisa zibahazo yaluna. Lu taha la Bulalu busihu, babañwi ba luna. Babañwi

ba itulela kwa malapa kuli babuhe *Who Loves Susie*, mazimumwangala, mifuta kaufela ya lifasi, mifuta kaufela ya kuitabisa, kuli imi buluke kusa taha kwa keleke. Se lu li latehisize.

¹⁵⁵ Mikopano yaluna ya bulapeli, likolo zaluna, linani ni sikhwata sa bo Rocky ni libunda la lituto za bulapeli, ni—ni kuitabisa ni lika kaufela mwa keleke, kuli linge sibaka sa mukopano wa litapelo. Lungile ndelesi ni kulika kutaleleza ze balika kueza batu ba kacenu, ku ba tisa mwateni. Hamuna ku ba kona ka sani. Bana ni zeñata za zona kufita ze munani. Hamuna musebezi fa mayemo a mina...fa mayemo abona. Muba lumeleze batahe ku za mina, ko kolobezo ya niti isweli kubeya, koo mata a niti a zuho. Musike mwa lika kuyaha keleke sina ya bona. Musike mwa lika kuba ni mulisana ya cwalo. Musike mwa lika kueza *se, sani, sesiñwi*, kamba ku swalisana ni lifasi. Ba benya ka Hollywood.

¹⁵⁶ Evangelí ya Niti monyeha ka mata. Limbande li utwa cwalo. Ha li bati ze benya. Li bata ze monyeha. Kumonyeha ka buishuwi, kumonyeha ka lilato, kumonyeha ka mata, zeo kona mbande ya niti itabela kuzuma. Haukoni kufata mwa patelo ya sishete ni ku mutabisa. Hana kukona kueza cwalo. Hamuna ku mu bulelela zona, kakuli ha lumeli cwalo.

¹⁵⁷ Linzwi lani ha li huwa kuzwa kwa Lihalimu kuli, "Ki na ya Na shwile, mi na pila hape." Sesiñwi sa ezahala. "Ni ya swana maabani, kacenu, ni kuyakuile. Mi ku ka ezahala kuli mwa mazazi a maungulo, Ni ka sulula ku za Kaa fahalimwa libupiwa kaufela." Kanya ku Mulimu! "Ni ka fa mata kwa mushobo wa mina o shwa. Ni ka fa mata a pilisa kwa malimi a mina a nama. Ni ka mifa bupaki bwa kuli Ni ka mi tisa mwa zuho hamoho ni Na." Limbande ze lapile mwa lipilu ka zeo ka mo likona fela kubela. Ki Butale bwa teko yetuna, mi ba lekisa lika zeñwi kaufela, ku yo ileka. Amen.

¹⁵⁸ Mulimu alu tuse, mulikani. Likeleke za luna za latehisa zibahazo ya zona.

Halu akufeñi cwale lu ye ku babañwi.

¹⁵⁹ Mutualime kezo ya balutiwa bani, neli sabo. Ne ba ziba kuli Jesu ki yena Niti, kono, mwa bona, Ne li shutana ni ze ne zibahala, bulapeli bo bu zibahala mwa hola yani, bulapelii bo bu tatafalile hahulu, Sar...Bafarisi, Basaduki, ni babañwi cwalo, litumelo zabona, likwata, ni likopano. Neba—neba lwanisa "tuto ye keluhile yani." Kono Jesu nali yena Linzwi leli zibahalizwe.

¹⁶⁰ Mi Jesu ki yena Moya o Kenile, mwa Moya. "Fa nako nyana lifasi halina ku Ni bona. Mu ka Ni bona," isiñi mubili; ona Bupilo bone buli ku Yena. Mulimu u fa Keleke, ku biza bana sina mwa Na ezelize linako zani, baba utwela.

¹⁶¹ "Ni eza kamita se si tabisa Ku Ndate. Ki mañi wa mina yakona ku Ni tameleza sibi?" Ka manzwi amañwi, *sibi* ki "kusulumela." "Kana Linzwi li bulezi sikamañi ka Na, se Ni si

ka eza?" Ki zeo foo. "Mu Ni bonise se libulezi Linzwi kuli Ni ka eza, mi ha Ni si ka eza. Ki mañi yakona ku Ni tameleza litaba? Ki mañi ya kona ku Ni supa munwana, ni kubulela kuli ha Ni si ka taleleza Linzwi La Ndate?" Oh, keleke ya Pentekota ha i fita fa mayemo ao! "Ki mañi yakona ku Ni tameleza ku sa lumela?"

¹⁶² Oh, Bakreste, musike mwa zibahala kuba maankoli, kono ka mbande. Maankoli yani i bunolo, ika wisezwa fafasi. Mwali kuba mubone mbande ieza cwalo. Haiba kueza cwalo. Ya iseleta lico za yona, kuzwa mwahalimu koo. Mulimu kona mwa ibupezi kipeto yakona ku libona. Inga manna yenca, isiñi sika se si shwile.

¹⁶³ Mwa Maheberu, hane ba silile mwa lihalaupa, ne ba ca, balika kuca manna ye shwile. Ne li bile ze inelezi. Nelina—nelina ni mawiliwili mwateni. Mwa ziba ze latalusa. Ki lika zetezi fela masila, kubola. Mabuku a mwateni.

¹⁶⁴ Kiñi ze Ni ka cela lico ze ishwezi myaha yemiñata kafoo? Zakona kuba hande fande ni sibupeho, kono ha ki zenca. Luswanela kuba ni lico mwa lusika ni lusika, zenca. Kona ni mbande mo i batela lico zani, lusika lufi kaufela, sina ha luli mwa musipili wa luna. Mulemuhe.

¹⁶⁵ Cwale ha lungeni batu babañwi hape. Halungeni babañwi ba bapolofita ba Testamente ya Kale, lubone sene ba ezize.

¹⁶⁶ Ha latalimeñi pili ku Setefani, kuli Setefani mwahala ba Kuta yaba Sanhedrin yani. Fani katengo kani ha ka mutisa kwani, ona kopano tuna ya balumeli yani kwani, kamba bene ba lukela kuba balumeli, ba mu tisa ni kulika ku mu nyaza. "Kiñi," ki hali, "mina baba omelezi milala, ba basina mupato mwa lipilu ni lizebe, mu filikanya Moya o Kenile." Bwani kona Bupilo Bobusafeli. "Sina bashemi ba mina mo ne ba ezelize kwa mulaho kwani kwa bapolofita, ki mo mu ezeza ni kacenu." Mi ba itumela yena ñaña. Ne ba sa lati kuutwa cwalo. Na lwanisa lituto za litumelo za bona. Na lwanisa kopano ya bona. Mi ba mu pobaula ka macwe kuisa lifu. Mi a nanula mazoho a hae mwa halimu, atalima kwa Lihalimu, ali, "Ni bona lihalimu li kwaluhile, mi Jesu uyemi kwa neku la silyo." Kiñi? Nana ni zuho, mata afa bupilo ku yena, ana mu isize mwa sifuba sa Jesu.

¹⁶⁷ Mulemuhe, kapili cwale. Mutualime Filipi, kwani mwa ancafazo yetuna. Inza sweli ancafazo ko ne ku sa lumelezwi kuli mutu abe ni zecwalo, kiñi, haiba nana ni sicaba sesituna mwahala likeleke ni lika zeñwi kulo kwani. Nana ni ancafazo yetuna. Mi mata afa bupilo a Mulimu na bulela ku yena, ali, "Setefani . . ." Mwendi Ne ibulezi kuli, "Una ni ancafazo yetuna, kono Nina ni muuna alimuñwi yo Ni bata kuli uambole ni yena."

¹⁶⁸ Mi Setefani wa utwela, hakuna taba kamba ki sikamañi, kamba ki zekai ze mulwanisa. "Oh, bo Setefani, haukoni kuya."

"Kono, Na kona. Mulimu ubulezi cwalo."

¹⁶⁹ Mi ki ha ya mwa lihalaupa, mi kwande kwani a yo fumana nduna yoo. Mi kiñi ze ne ezahalile? Ki hali, “Kana . . . Haiba u lumela ka pilu ya hao kaufela, kuli Jesu ki Mwana Mulimu, Ni ka ku kolobeza.” Ha na mu kolobeza . . .

¹⁷⁰ Mutualime. Na filwe mata a pilisa ka mata atisa kwa bupilo ani, kusiya ancafazo ya batu babaesa likitikiti, ni kuya mwa lihalaupa, ku muuna alimuñwi. Oh, zeo likona kulwanisa libaka zateni kaufela. Mwabona? “Kiñi, kuna ni baba teni sauzande baba ku bata *kwanu*.” Kono kuna ni alimuñwi ya bata, kwande *kwani*. Mwabona? Mi mata atisa kwa bupilo a mu luma kuya kwa sibaka se si lukisizwe ki Mulimu. Haleluya!

¹⁷¹ Baana ni basali, Li ka mi yemisa ka mahutu. Li ka mi ezisa lika zeo Mulimu abata kuli mueze. Hanina taba ka sa bulela mutu yomuñwi ka sona. Muyaha tuko uli, “Oh, mutu yani ulangani mwa booko. Kuapela busihu kaufela; kubala Bibele.” Hanina taba ka se ba bulela. Ki sa ku bizeleze Mulimu kuli ueze. Yeo ki niti. “Oh, ba bulela kuli ha lu sa kona kubanga ni ancafazo ya mufuta wa kale wani.” Oh, eehe, wa kona, mane. Wakona kuba ni yona ka wena unosi. Mi u mwa buñata, ku Mulimu, hakuna taba kamba babañwi ba nahana sikamañi.

¹⁷² Mulemuhe, kasamulaho, ka ku utwela. Muteeleze hande cwale. Kasamulaho wa ku utwela Mulimu, kwa Linzwi la Hae, fani hana talelize tumo ya hae, ona mata atisa kwa bupilo ani a na amuhezi kwa Pentekota amu isa kwahule, abeya mata mwa mibili wa hae. Limaili ni limaili kwahule, na ngilwe mwa Moya, mi a fumanwa mwa naha isili. Mata afa bupilo a Mulimu! Mi haiba luba mapentekota, “Ona mata aswana ani ana zusize Jesu kwa bafu, haiba A pila mwa mibili ya mina ye shwa.” Mwabona? Ku lukile. Mulemuhe.

¹⁷³ Ha lu ngei muuna usili yana bile ni ona mata a fa bupilo ao. Nekuna ni muuna kale kale koo, wa libizo la Enoke. Ha ne kutahile nto yenca, sesiñwi ha ne si tile ki ha taha abulela kuli, “Kihande, cwale luna ni kuya kwa sikolo sa kale, kamba *se, sani*, kamba *sesiñwi*,” Enoke na zamaile ni Mulimu. Kaufela za na bulezi Mulimu kuli eza, Enoke na si ka mbwinja neba Linzwi. Na zamaile ni Mulimu. Nali sikamañi? Nali mwana Mulimu. Nali mbande yene bizizwe mwa lizazi lani.

¹⁷⁴ Mi cwale nako ha ne se ikwanile, na tezi hahulu ona mata a fa bupilo ani! Muhupule, na zamaile myaha ye mianda iketalizoho, kamba kufitelela, fapila Mulimu, mi hakuna nihaiba nako iliñwi fa na latehezwi ki Linzwi la Hae. Hakuna neba nako iliñwi fa na kwenuhile ka mikwa. Hakuna neba nako yekana yakile a fosa kono na nza bulukile bupaki. Kaufela za na mu bulelezi Mulimu keza, na eza ona cwalo. Hakuna likañi ka zona, naya fela ni ku sieza. Hakuna taba ka za na nahana mutu, naya mi u yo si eza. Kiñi? Na tezi mata a fa bupilo ani. Mi hane se ili nako yakuli muuna muhulu a shwe, Mulimu a luma fela manela mi aya kwa

Hae. Na mu file mata a pilisa, ni kunga mubili wa hae wa nama mwa kuungelwa. Amen. Ani kona mata atisa kwa bupilo.

¹⁷⁵ Mutualime ku Elia, kasamulaho musebezi wa hae ufela mwa lifasi. Na tezi hahulu mata afa bupilo ani, na nyazize mukulelo wa bo Jackie Kennedy ba lizazi la hae. Na bulelezi Jezabele wa kale sana hupula ka yena. Na bulelezi bakutazi ni baprisita bami sene si lukile ni se si fosahalile, mi ne ba sa mu lumeli. Kono na ba nyazize basali bene ba ipenta ni lika zeñwi, zemaswe luli. Mi na tezi hahulu mata afa bupilo ani kuli mane hakuna sene si ka mu holofaza. Mulimu na mu fepile kuzwa kwa lihalimu, amunga ni ku mu beya kwatuko. Mi na tezi hahulu mata afa bupilo, haitaha nako ya kushwa, Jordani ya kwaluha, mi ki ha ya fela, alumka koloi ni ku muisa kwa Hae, atezi fela mata atisa kwa bupilo ani. Aba mwana Mulimu wa niti, yatezi hande. Ehe.

¹⁷⁶ Mulemuhe, nana ni mubakweli, mi libizo la hae neli Elisha. Mi Elisha nana ni likabelo zepeli, ona mata apilisa ani. Mwabona? Nabile ni likabelo zepeliza ona. Cwale, na katalize ka myaha ye mashumi aketalizoho ni amalalu, kamba yena nana li myaha yekuma fa mashumi aketalizoho ni amalalu. Akenelwa ki butuku mi ashwa. Cwale, na si ka ya kwa Hae sina Elia mwa na ezelize. Mwabona? Bubeli bwa bona ba bonahalile mwani mwa Keleke; balumeli babañwi baile, mi babañwi ba pumuzi. Kono mulemuhe fani Elia ha na ngezwi mwa kuungelwa; mi Elisha aya ku yo lobala, ku Mulimu, atezi mata atisa kwa bupilo. Mutualime sipolofita sa hae asika shwa kale. Mwabona?

¹⁷⁷ Cwale, haluboneñi ni mi bonise. Hanina taba kamba u shwile, kamba ukaba kai, mata a pilisa ani ha zwangi. Myaha ni myaha kasamulaho wa lifu la hae, nama ya hae ne se ibolile kaufela, mabuku ni likokwani ne se licile kufeza. Kono ne ba lwezi mutu ya shwile, zazi leliñwi, ba mu nepela kwa masapo ani, mi ne kuna ni mata amañata hahulu afa bupilo mwani kufitela muuna yani ha kutela kwa bupilo hape. Haleluya! A mu zusa kwa bafu, kakuli ona mata afa bupilo ani anali ku mulumiwa wa Mulimu yani, na si ka mu siya, na inzi fela mwa masapo ani.

¹⁷⁸ Oh, muhupule, luna lu nama ya nama ya Hae, lisapo la masapo a Hae, haiba lu Munyaliwa wa Hae. Lifu halina ku kataza mata atisa kwa bupilo ani ni hanyinyani. "Nihaike likokwani za mibili li ka sinya mibili woo, kono ona mwa mibili mo ki mo Ni ka bona Mulimu." Kanya ku Mulimu! Ha ki... Ha ni zibi ze Ni bulela. Ha ki sepo ni yeo ku muuna muhulu ya swana sina na, ka kuziba kuli Ni bona nako yaka ya maungulo cwanoñfa, seli myaha ye mashumi aketalizoho ka a silezi ya kupepwa.

¹⁷⁹ Kuzwa kwa bushimani bwana Ni yemi ona fa, kulika kukutaza taba Ye. Kono Ni ziba kuli kuna, hakuna nto yende ye Ni nani, hakuna se Ni ezize, kono ku na kuna ni mata atisa kwa bupilo ani; na ni file mata zazai leliñwi kwa lika za lifasi, hane ni sa li fela mushimani, kutaha kwa Bupilo Bobusafeli.

Oh, lika ze ezahalile! Ni boni lipono, ni bulezlika ze sa taha. Hasika lumeleza lika kupala fateni. Ni bulezlika malimi asili. Ni polofitile. Ni ezize lika zani ka Moya wa Mulimu opila ku na. Ani kona mata atisa kwa bupilo. Na ziba kuli zazi leliñwi . . .

¹⁸⁰ Muliululi waka wa pila cwale. Mi zazi leliñwi Ha ka taha, masapo aa aka zuha hape, ku yo Mu katanyeza mwa mbyumbyulu. Mwakona ku ni pumbeka mwa liwate, mu ni cise, kaufela ko mubata kuya. Ona mata atisa kwa bupilo ani ki a Kuyakuile. Whew! Ni ikutwa Zuhu cwale. Eni, sha. Ni bile ni ona hala lilimo kaufela. I mwahali ku na.

¹⁸¹ I ku mina. Haiba, mina, Moya o zusize Jesu kwa bafu uina mwa mibili ya mina ye shwa, U mi file mata kuzwa kwa lika za lifasi, kutaha kwa Linzwi la Mulimu fela. U mi file bupilo kuzwa mwa bupilo bo kuya kwa Bupilo Bobusafeli. Mina ne mu shwile mwa sibi ni milatu u mi zusize cwale hamoho, kuina mwa libaka za Mahalimu ni Kreste Jesu, kuca Manna yezwa kwa Lihalimu, kubona lizoho la Mulimu ha li iponahaza, kubonisa sepiyo ya lizazi le.

¹⁸² “Sina mo ne kuinezi mwa mazazi a Nuwe, kona mo ku kabela ni fa kutaha kwa Mwana mutu. Ne ba ca, kunwa, kunyalana, ku nyalisa. Mi sina mo ne kuinezi mwa mazazi a Lota, ki mo ku kabela mwa lihola zeo Mwana mutu uka patululwa fa lifasi,” isiñi Mwana Mulimu, ni hanyinyani. “Mwana mutu,” kukuta sina Liñusa la sipolofita la lizazi la mafelelezo foo mbande yani haika fufa; isiñi tau; isiñi komu mwa lusika lwa sitabelo. Mwabona?

¹⁸³ Nako kaufela, mata a bulapeli na yanga ku yo kopana ni butata bwa puso ya za lifasi. Mi tau ha ne itile, mata a bulapeli, neilo kopana ni puso ya Maroma.

¹⁸⁴ Mi cwale ha kutaha nako ya sitabelo, komu ya ya, kakuli ki sona Sibatana sa Mulena.

¹⁸⁵ Mi kiha kutaha baongaongi, mwahala masika a likeleke, kwa taha sifateho sa mutu. Mi baongaongi neba bile teñi kukala ku Luther, Wesley, oh, Calvin, kutaha cwalo, fafasi, lusika lwa pentekota.

¹⁸⁶ Kono mwa Liñusa la mafelelezo le li ile, kwa taha mbande ye fufa. Ki nako ya mbande, kupatulla nako, Linzwi la Mulimu le li bonisizwe, ki Linzwi la Mulimu leli bonahalile. Oh, bana, mukene mwa kolobezo ya Moya o Kenile ye. Mutahen mu to I lumela, ka lipilu za mina kaufela, Mulimu uka mi taza.

¹⁸⁷ Mutualime kwanu cwale. Lu fumana cwale, muhupule, “Luna lu nama ya nama ya Hae, ni lisapo la lisapo la Hae.” Sina Mulimu mwa na zuselize masapo a Hae ni mubili kuzwa mwa libita, ha ba koni ku pata mutu yana ni liswanelo za yona. Lifu halikoni ku mu nga. Jesu naize, “Kaufela ba Ni file Ndate baka taha ku Na. Ni ka ba zusa ka lizazi la mafelelezo.” Oh, mawi! Paseka! Kiñi, lu keni hande mwa Paseka. Ha Na zuhile, ne lu zuhile ni Yena. Na lumile pampili ya mulatu hape. Lu li sweli, sina kolobezo

ya Moya o Kenile. "U pila kuyakuile; yena yaswana maabani, kacenu, ni kuyakuile." Maheberu 13:8 ya paka cwalo. Yena ki yaswana.

¹⁸⁸ Bumesia bwa Hae, baba tozizwe balumela cwalo. Mesia ki sikamañi? Mesia ki sikamañi? *Mesia* ki "Ya tozizwe." Mi cwale haiba Nali yena Mesia, ka kuba Ya tozizwe wa lizazi lani, ili kutaleleza Linzwi la Mulimu, kuba Muliululi ni Ya tozizwe, mi Mulimu a zusa mubili wani; Munyaliwa wa Hae ki yena ya tozizwe mwa lizazi le. Sel i zuhile kale ni Yena mwa zuho, kakuli, "Zepeli ze ki nto iliñwi." Amen.

¹⁸⁹ Ni—Ni lakaza kuli kambe Ni ka libulela mo Ni libonela. Ni lakaza kuli kambe Ni tuto yekona ku likwanisa. Mwabona? Ni—Ni sepa mwa si bona. Na sepa, Mulimu, Moya o Kenile utahafafasi ni ku to beya zeo mwa pilu ya hao, kubona se Ni talusa.

¹⁹⁰ Zuhu, lu mwa zuho cwale. Lu inzi ni Yena mwa zuho, kono konji fela bani babana ni Bupilo.

¹⁹¹ Isiñi bona baba sina Bupilo. Ha ba Li zibi. Habana ku Li ziba. Ba ka zwelapili kunahana kuli basweli kuamuhela Moya o Kenile, ni kupiliswa, mi Kuungelwa ku ka be ku ezahalile mane ni kufela. Ali, "Elia u tile kale, mi ba ezize ona cwalo, kono ha mu si ka li ziba." Mwabona?

¹⁹² Mulemuhe. Lifu ha li paleliswi mata atisa kwa bupilo a Mulimu. Mulemuhe. Lifu halikoni ku li tuhelisa.

¹⁹³ Mu li, "Kihande, boma neli basali babatezi Moya. Bo ndate, Nali kuba nibone muuna ya tezi hahulu mata sina bondate. Kono ba shwile, Muzwale Branham." Luli. Zani ne li si ka tuhelisa mata atisa kwa bupilo.

¹⁹⁴ Mushe nana ni mata atisa kwa bupilo ani. Mwa lumela cwalo? Nekusina mutu yaswana ni yena mwa lifasi, konji Jesu. Kakuli na si ka bona fela lipono, na bulela pata ni pata ni Mulimu.

¹⁹⁵ Neba mupolofita wa musali, Miriame, na hanyelize linzwi la hae zazi leliñwi. Ki hali, "Ha mu sabi Mulimu? Mukuteke mutanga ka, Mushe. Hakuna mutu mwa lifasi yaswana ni yena, hopla yee. Haku si kaba kale mutu ya swana ni Mushe. Ni bulela ku Mushe. Ki sikamañi sa na bulezi, sene sisi niti? Mwabona? Ni bulela ku Mushe. Kana ha mu sabi Mulimu? Musike mwa bulela linzwi la ku mu lwanisa." Mi ona fani a nativa ki mbingwa mi—mi na shwa. Na si ka pila nako yetelele hahulu, kasamulaho. Mushe a mu lapelela.

¹⁹⁶ Mi Mushe apahama fa lilundu, ka myaha ye mwanda ni mashumi amabeli ya bulumiwa, kamba myaha ye eite ya bulumiwa; myaha ye mwanda ni mashumi amabeli ya bupilo, apahama fa malundu ni kushwa, mi apumbekwa mwa musindi. Kono mata afa bupilo ani nali ku yena. Mwendi kasamulaho wa myaha eiti handeleti, ki yo fa, inza yemi fa Lilundu la Petuho.

Amen. Nali sikamañi? Na beilwe mwa zuho yani. Luli, nali cwalo. Nana ni mata atisa kwa bupilo a Mulimu. Ki yo nali fa, inza yemi.

¹⁹⁷ Mutualime ku Jobo, Abrahama, Isaka, ba bakenile ba lizazi la zuho, kakusasana tuna wani Jobo ni bona kaufela neba ziba kuli zani lika taha. Mi, ha li, “Na ziba kuli Muliululi waka wa pila,” mianda ni mianda anda ya lilimo Kreste asika taha kale. Ki, mane, Buka ya Jobo ne iñozwi kusika ñolwa kale Genese, kona mo ba bulelala, Buka ya kale hahulu mwa Bibele.

¹⁹⁸ Mi mwa miliko ya hae, mane inge mo lu fitezi kuzona cwale. Mi musala hae, mane, nto yeli bukaufi ku yena fa lifasi, ali, “Kikuli ha u na kuta Mulimu ni kushwa?”

¹⁹⁹ Ki hali, “U bulela inge musali wa sikuba. Mulena na file, Mulena u ngile, ku fuyolwe Libizo la Mulena.”

²⁰⁰ Mi cwale Moya wa Mulimu ha u taha ku yena, mi akala kupolofita, a bulela kuli, “Na ziba kuli Muliululi waka wa pila, mi ka lizazi la mafelelezo Uka yema mwa lifasi. Nihaike likokwani za mubili li ka sinya mubili woo, kono ona mwa mubili mo ki mo Ni ka bona Mulimu.” Mi a lukisa sibaka sa ku ipumbeka kusona. Ki hali, “Lu ka pumbeka sibaka se.” A sileka kwani mi a ipumbeka.

²⁰¹ Kasamulaho nyana, kwa taha muuna ya bizwa Abrahama. Keleke ya hula, ya pahama. Abrahama, kihande, cwale, nana ni liswanelo za Mulimu, niyena, Bupilo bobusafeli, Kuyakuile, kakuli Mulimu na mu bizize. Cwale mulemuhe. Ha na shwile, kamba Sarah ha na shwile, na lekile mubu mwa Palestine, bukaufi ni libita la Jobo, mi a pumbeka Sarah. Abrahama a shwa mi hape a pumbekwa ni Sarah. Abrahama apepa—apepa Isaka.

²⁰² Mi Isaka, ha na shwile, a lobala ni Abrahama, mwa sibaka se si swana. Cwale, he, Isaka ha pepa Jakobo . . .

²⁰³ Jakobo na shwezi, kwani kwa Egepita. Kono ka kuba mupolofita, cwale, ka ona maya aa, ona mata apilisa ao, ki hali, “Musike mwa ni pumbekela kwanu, Josefa. Utuhe kwanu, mupolofita waka mushimani. Beya lizoho la hao fa noka ye fa na holofalize Mulimu. Konka ku Mulimu wa Lihalimu kuli hauna ku ni pumbekela kwanu.” Ki sikamañi sene siliku muuna mani? Kiñi Egepita hane isi fela sina sibaka sesiñwi? Na li mupolofita. Na ziba koo zuho yani neina ni kuba. Ne isa lukeli kubela mwa Egepita; haikoni kuba Palestine. Ali, “Beya mazoho a hao fa noka yaka ya sihole, mi u konkr ka Mulimu ye Ni sebeleza. Wena mwana ke u mupulofita, kuli hauna ku pumbeka masapo kwana kwanu. Mu yo ni lwala mi ni ku ni pumbeka.”

²⁰⁴ Josefa, kakuba mupolofita, ni yena, abeya mazoho a hae ku ndatahe wa sihole. Ali, “Ni konka ka Mulimu wa Abrahama, Isaka, wa Jakobo, Hanina ku ku pumbekela kwanu.” Ba muisa ku yo mu pumbekela mwa naha yani. Kiñi? Kiñi?

²⁰⁵ Mi Josefa ha shwa, ki hali, “Musike mwa ni pumbekela kwanu. Musike mwa ni pumbekela kwanu.” Kiñi? Mulimu ki Mulimu kai ni kai, kono Una ni mulelo. Josefa nali mupolofita. Na ize, “Zazi leliñwi,” muteeleze, manzwi a hae, “Mulena Mulimu uka mi potela- . . . uka mi potela, mi uka mi zusa mwa na ha ye. Mi ha mu ya, mulwale masapo aka.”

²⁰⁶ Ona mata afa bupilo ani nali mwa masapo. Oh! “Haiba nji Moya wa Hae ono zusize Kreste kwa bafu, uina ku mina, Uka fa mata kwa mibili ya mina ye shwa.”

²⁰⁷ “Musike mwa siya masapo aka kwanu. Mu yo apumbekela ni bani ba sepiso.”

²⁰⁸ Mi Jesu ha taha, fa, Ni na ni Liñolo fa, Mateu 27:51. Jesu na zuhile kwa bafu, Jobo na boni sani ha si taha, ali, “Na ziba Muliululi waka wa pila. Mazazi a mafelelezo, Uka yema mwa lifasi le. Ni ha likokwani za mubili li ka sinya mubili woo, kono ku ona mubili waka wo Ni ka bona Mulimu. Ni ka Mu bona.” Ne ba ziba. Yani neli mupolofita. Abrahama nali mupolofita. Isaka nali mupolofita. Jakobo nali mupolofita. Josefa nali mupolofita. Mi na na ni sinulo ya Mulimu, kuya ka Linzwi la Hae. Mi kakusasana wa la Zuho, nako yana tile Yani ni kuliulula bani kaufela bene ba lumela ku Yena, ne ba zuhile, nibona, kuya ka Bibele.

²⁰⁹ Ona mata afa bupilo ani na tile mwa libita la Jobo, mone kusina neba liluli lelitala mwa lishwana la masapo a hae. Kasamulaho wa mianda, ni mianda, ni mianda ya lilimo, masapo a hae na sa bolile. Wa—wa kuta kwa mulaho, ni kukutela kwa mioya ya mubu, mi iba fela lilu la mufuse leli inzi mwani. Kono, niteñi, fani mata atisa kwa bupilo ani, kuya ka Linzwi la Mulimu, kutaha kwa sepiso, mianda ni mianda, eeni, likiti za lilimo kasamulaho, fani mata atisa kwa bupilo ani ha na zusizwe mwa libita; Jobo, Abrahama, Isaka, Jakobo, kaufela bona, ba zwa mwa mabita ni Yena.

²¹⁰ Bibele i bulezi cwalo. Muñoli Mateu, kauhanyo ya 27 ni timana ya 51, i ize, “Buñata bwa baba kenile bene ba lobezi mwa liluli la lifasi, ba zuha ni kuzwa mwa mabita ni Yena, fani ha Na zuhile ka la Zuho kakusasana.” Kiñi? Nebana ni mata ani. Neba na ni mata a pilisa ani, mwabona, mi ba zuha kuzwa kwa bafu, mi ba ya ni Yena mwa zuho. Ba ikola zuho ni Yena, kakuli neba yezi mata apilisa ani. Nebana ni liswayo la niti la paseka ya Zuho yani.

“Kihande,” mu li, “Ni lakaza kuli kambe ne Ni ka pila kwa mulaho mwa Testamente ya Kale.”

²¹¹ Mulibelele fa muzuzu. Mwa Matesalonika Bapili- . . . Matesalonika, kauhanyo ya 4, timana ya 16, Ni bata kuli muibale yeo. “Ha ni lati ha mutokwa ni zibo, bana bahesu, ka bona baba itobalezi, kuli musike mwa lila, inge babañwi ba basina sepo. Kakuli haiba lu lumela kuli Jesu na shwile, ni kuzuha hape ka

zazi la bulalu,” isiñi tumelo ya ku likanyisa fela, kono lwa lumela cwalo, “kamukwa oswana ni bona baba lobezí ku Yena Mulimu uka ba zusa hamoho ni Yena.”

²¹² Balumeli ba Testamente ye Nca ni mata atisa kwa bupilo ani, ba ka zuha, hape, fa Kutaha kwa Hae kwa bubeli; ona cwalo fela sina balumeli ba Testamente ya Kale ni ona mata afa bupilo ani fahalimwa masapo abona, ni lipetuho ni mata, ni zeñwi cwalo, zani ne li bonisize za Mulimu. Bapolofita bao Linzwi la Mulimu ne litile ku bona, neba zuhile ni Yena mwa zuho ya kakusasana yani; mi ka sepiso ya Mulimu kuli mañi ni mañi yali ku Kreste Jesu uka taha hape ni Yena mwa zuho ya Hae, mata atisa kwa bupilo a Mulimu fa masapo.

²¹³ Kona libaka, lu beyanga mazoho fa bakuli. Ki kabakaleo, lwa latana. Luna lu mizwale ni likezeli. Ha lu lukeli ku toyana kakuli lu sikululwa ka Linzwi la Mulimu. Lu lukela ku latana, ni kuba ni likute ku yomuñwi ni yomuñwi. Mwa ziba, haiba ha mu ezi cwalo, halina ku mitusa.

²¹⁴ Kuna ni mutangana nyana yainzi mo, ona, mwata keleke ye cwale. Mazazi nyana afitile... Muuna yani wa lumela. Mushimani yomunyinyani yani nana ni kansa kwa zebe ya hae, mi hakuna sa na bulela ka zona. Na sweli kubeleka fa situwa sa ndu. Ne ni bile fa musipili wa kuzuma ni yena, kwani ni mizwale ba ha Moseley, ni Muzwale Dawson kwanu. Ne luli kwanu inge lu zuma, mwana mushimani wa Muzwale Williams. Mi Na talima kwa zebe ya hae, mi Na bona zebe ya hae inge i luluhile. Se nili, “Ki butata mañi, Donavon, ona zebe yeo?”

²¹⁵ Ki hali, “Muzwale Branham, se kubile nako yetelele. Ha ni zibi.”

²¹⁶ Ne ni—ne ni mu sweli fela kwa lizoho fani. Yani neli kansa yetuna kwa zebe ya hae. Na si ka bulela nihaiba linzwi li liliñwi; na li kumalezi fela, mi nahupula kuli, “Muzwale waka!” Mwa lizazi kamba amabeli kuzwa fani, nekusina nihaiba liñiba le li siyezi. Neli likute la hae ku Mulimu wa Lihalimu, ka mata a Hae afa bupilo, a bulaya kansa yani ni ku bukeleza bupilo bwa Donavon Weerts kwa mulaho kwani. Yeo ki niti.

²¹⁷ Lika ze kanti ki likamañi? Mutualime fa, sicaba mo mwa Phoenix. Mutualime ku mina sicaba baba lumela ku se. Mutualime batu baba na ni se, baba mi beya mazoho. Mubone se si ezahala. Ki mata afa bupilo. “Lisupo ze li ka latelela ba balumela.” Haiba ba beya mazoho a bona fa bakuli, ona mata atisa kwa bupilo ani, mbande ku mbande, sesiñwi si ka ezahala. Cwale, mbande ku maankoli, haina kubeleka. Mbande ku mbande, inanuha kuzwa mwa patelo, kuliba mwa Mbyumbiyulu. “Lisupo ze li ka ba latelela baba lumela,” kanti sibeli sa bona ba mwa litumelo.

²¹⁸ Mwabona ona mata aswana afa bupilo a Mulimu ani abonahalile mwa bapolofita bababeli baa, Elia ni Elisha. Mulemuhe, linzwi leliswana; leliñwi laona ki kuli *kunanulwa*,

leliñwi ki *kupamulwa*. *Kunanulwa ni kupamulwa*. Mwabona? Na ngezwi mwahalimu. Lu ka ngelwa; lu kopane ni bona, lu ba katanyeze mwa mbyumbiyulu. “Lu ba kanyeze mwa mbyumbiyulu.”

²¹⁹ Mulemuhe, nyunywani ina ni kuba ni mafufa amabeli, kuli ikwanise kufufa hande. Ki niti yeo? Elia na fetuha lifufa, Elia. Elisha nali lifufa la zuho. Mwabona? Sibeli sa bona, hamoho, ku yemela baba kenile ba bapila ni baba kenile baba se baile.

²²⁰ Muhupule, kufiwa mata kubona za kale, masila a fa mahaulo. Kuli mane sicaba se ne si filwe mata a ku kutela kwani katalima kwabuse bwa lisila ni kubona ka nako ye; bapolofita bani!

²²¹ Mutualime Paulusi, naize mwa mazazi a maungulo sicaba sani mo ne si ka bela, kueza ni kuipiza kuli Bakreste. Nali mupolofita, ya tezi mata atisa kwa bupilo, a libona isali kwa makalelo ha li to ezahala. Lwa lumela cwalo. Nji cwani? Na amuhezi mata atisa kwa bupilo.

²²² Mutualime fa mata atisa kwa bupilo kacenu, kubulela lika ze sa taha, kusina nihaiba nako iliñwi ye mbwinja. Hakuna nihaiba nako iliñwi fo ku palelwa. Mata atisa kwa bupilo; isiñi mata a mutu; ki mata a Mulimu. Mata, pampili ya Zuho, ki Jesu ya zuhile yana lumile pampili ya bupaki yani, ku lu pakela kuli lu se lufilwe kale mata ni Yena.

²²³ Mulemuhe. Mwa hupula kabuka nyana, Baana ba Pisinisi mo, *Katalima Kwabuse Bwa Lisila La Nako?* Ni kala kuba ya hulile, ka kuziba kuli mazazi aka aya a kusufala. Ni ba ya sephala...

²²⁴ Ne ni lizize siemba sani se ba sa zo opela likalibe fa nako nyana. Ni bile ni yona mwendi seli lilimo ze eitini, ze mashumi amabeli cwale. *Ni Bata Ku Ambola Zateni, Mulena.* Ni kuzwela fande ku yo lapela, mi kipeto mata a fa bupilo ani a taha. Ni libelezi. Na talima fahalimu Fani. Na li, “Talima fabuse.”

²²⁵ Na hupula kakusasana wani, ka kuswalwa kusila mwabuse. Mi musala ka, ya inezi kwa mulaho kwani, na lobezi fa mumbeta o swana nina kakusasana wani. Ne ni nanuzwi, mi na talima nili mwahalimu. Mi ki yani fani, inza lobezi. Se nili, “Haiba Ni ka ezeza Mulena sika, kihande u akufe, mushimani. U fitelezi lilimo ze mashumi aketalizoho.” Mi Moya o Kenile wa ni pamula, mi Na talima mwabuse Kwani. Ne ni boni babakenile bani, inge fela mo Ni yemezi fa sipula se, ni Buka ye kenile yeliteni fa nye, ni mukutazi wa Evangeli.

²²⁶ Kikuli Ni mi bulelezi fateni sika ka Libizo la Mulena se si si ka ezahala kale? Haiba Ni ezize cwalo fateni, Ni bata kuli mu ni bulelele ka zona. Nako kaufela, kikuli libile ze petehile, fa katala nji? Nako kaufela, kana li ezahalile fela sina mwa Na bulelezi? Se neli kuli SA BULELA MULENA KISONA.

²²⁷ Na yema fani, na talima fabuse bwa nako yani. Na bona likiti ze mashumi ni likiti kiti ze likiti inge bataha, likalibe ni mitangana, bamata, inge ba ni kumbatela mazoho, ni kuhuwa. Ni talima kwa mulaho ni kuipona inge ni lobezi fa mumbeta. “O Mulena, tuhela kuli ni talime kwabuse bwa lisila la nako.”

²²⁸ Ki sikamañi sani? Ki mata atisa kwa bupilo aka lu pamula. Ona mata amatuna afa bupilo ani. Mata atisa kwa bupilo a tile mwa mazazi a maungulo a.

²²⁹ Sani kona se Ni bezi mwa Arizona, ona fa cwale. Kuna ni batu babañata babali mo, ba yemi ona kwa Phoenix kwanu, mi ba ni utwile ha ni bulelala kuzwa kwa katala kwanu kuli, “SA BULELA MULENA KISONA.” Ki babakai baba hupula cwalo? “Cwale amuye. Kuna ni se si libelezi kuezahala.”

²³⁰ Na bona Mangeloi a sebene ataha. Hanili *Life* magazine kona yene liñozi, puka ya Lona hane i yandulukile kwanu, limaili ze twenti-sebene mwahalimu, ni limaili ze mashumi amalalu mwa bukima? Kikuli ha ki Fred Sothmann, ni babañwi bani, Gene Norman, bani, ba bainezi kwa mulaho kwani? Na yema ona fani Mangeloi ani a sebene ana bonahalile fa lilundu lani. Ne i nyanganyize malundu, ka limaili ze potolohile, ona cwalo. Neku yemi Mangeloi a supa. Mi a beya mukwa mwa lizoho la hao, ali, “Zamaya kwa ndu mi ukwalule Maswayo Asupa a filwe.” Mi ki a fa, kunutu ya niti ka za linyalo ni telekano, ni peu ya noha, ni lika zeñwi ze kaufela zesweli ku kananelwa. Ki kuli SA BULELA MULENA KISONA.

²³¹ Ki sikamañi sani? Mata atisa kwa bupilo ataha kwa Keleke, ku I bakaanya, nako ye lu atumezi ye. Mata fa bupilo!

O Mulimu, lu tuse ku I amuhela. Lu tuse kuli lu I lumele.

²³² Mwabona, kuitingile fela ka mubonelo otalima ku Lona, haiba Li ka ku tusa, kama nee, kona cwalo. Mwabona? Muna ni kulumela Cwalo. Ha mu sa Li lumeli, Halina ku mi tusa neba hanyinyani.

²³³ Muunamuhulu Samuele mwa na yemezi fani fapila sicaba, mi ali, “Kana Ni kile na mi bulelala sika ka Libizo la Mulena se si si ka ezhahala? Kana Ni kile na mi kupa masheleñi, kuli nipile ka ona?”

“Batili, kono lubata mulena, nihakuli cwalo.”

²³⁴ Kona mo iinezi keleke kacenu. Ba bata maikuto abona fela. Habana kuiseza ngana ku wena nihiba hanyinyani. Ba zamaya kwa mulaho. Kihande, li bonisa fela kuli, mata a fa bupilo haayo mwateri.

²³⁵ “Oh,” mu li, “Kihande, Ni bulezi ka malimi. Na tulile mi Na huwanga.” Zeo kaufela ki zende.

²³⁶ Kono haiba mata afa bupilo ani ateni, u ka lemuha. Sina mbande yenyinyani yani; yani ki yena mahe. Lani kona Linzwi. Sani kikuli SA BULELA MULENA KISONA. Kona sa na

sepisize Mulimu. Kona sene si bulezwi. Kona sene si ezahalile luli. Lu fitelezi muluti kaufela wa ku kakanya, ka manzwi amañwi mwa zuho ona fa cwale, balumeli se ba itukisize kungelwa mwa mbyumbyulu.

²³⁷ Kacwalo, Jesu, na tezi hahulu mata atisa kwa bupilo a, ali, “Haiba mwakona kusinya tempele ye; ye mi tandile myaha ye mashumi amane, mo mu nahanelo, ka ku i yaha; Ni ka i yaha ka mazazi a malalu.”

²³⁸ Kiñi? Kiñi Jesu hana bulezwi cwalo? Ni bata ku mi buza. Kiñi Jesu ha na bulezwi nto yecwalo? Na ziba kuli Sani neli Sona. Amen. Ni lakaza kuli seo si kakatele. Na ziba Yo Nali yena. Na ziba cwalo, Linzwi kaufela, Mulimu na ñozi mwani ka Yena, Na litalelelize. Na ziba kuli Na li yena Yoo Davida na bulezwi ka yena.

²³⁹ Kana mwa ziba kuli ki mina bao Bibele ibulela? Kana wa ziba kuli sibaka sa hao si ku Kreste? Haiba nji uteni ku Kreste, u sibupiwa sesinca. Kana mwa ziba kuli Linzwi le liswana fela inge kupila kwa zazi ni zazi, ku wena? Kiñi, luli. Ki la hao. U mbande. Sani kona Sico sa hao.

²⁴⁰ Na zibile cwalo, ka mata a Mulimu, Na ka eza sani, kakuli ne ku polofitilwe kuli Uka si eza. Kona libaka ha Na si ka saba kubulela kuli, “Musinye tempele ye. Ni ka izusa mwa mazazi a malalu, kakuli Davida naize, ‘Hanina kutuhelela moyo wa Hae mwa lihele, kamba nihaiba kuli Ni tuhelela Ya Kenile wa Ka kubona kubola.’” Na sa zibi selu iliñwi ya mubili wa hae kuli ne i ka bola. Mi ibolanga mwa lihola ze sebente-tu. Ki hali, “Musinye tempele ye. Ni ka izusa hape, mwa mazazi a malalu ani.” Kiñi? Na tezi hahulu mata afa bupilo ani ana file bupilo kwa Linzwi kaufela. Atalima kwa mulaho ni kubona Linzwi kaufela la na ñozi Mulimu ka Yena, mi mupolofita a bulela kuli U li talelelize. Na ziba kuli zeo li ka talelezwa, ni zona.

²⁴¹ Cwale, Linzwi kaufela la na bulezwi Mulimu, kana moyo wa hao uize “amen” ku Lona, Li talelelizwe mwa bupilo bwa hao, kakuba mulumeli?

²⁴² Kikuli u sa fumbela taba yeñwi, ni kuli, “Kihande, keleke yahesu iluta ze shutana”? Kipeto tokomela, maankoli tuwe.

²⁴³ Mulemuhe. Limbande za lumela. Hakuna puzo, ku zona. Za Li lumela. Mulemuhe.

²⁴⁴ Cwale, Na ziba kuli ne li ka ezahala kakuli Linzwi ne li bulezwi kuli Nelili cwalo. Mi Linzwi kaufela lene li ñozwi ka Yena nelina ni kutalelezwa. Na zibile kuli ne Li ñozwi ka mata a Mulimu, ka bapolofita baba kenile bene ba polofitile kuli Uka eza cwalo.

²⁴⁵ Mi sipolofita ha si palelwi. Ha si koni. Linzwi la Mulimu halikoni ku palelwa. Mi li ñozwi mwa...ka Moya kuli...Mi cwale, hape, Moya o no zusize Jesu kwa bafu, haiba Uina mwa mubili wa mina, mubili wa mina, Uka fa mata kwa mibili ya mina ye shwa. Mi, mu ukunupe, mu ucise, mueze kaufela

zemubata kueza, mu usehe, mu u pazaule, mu u wiseze fafasi, mueze kaufela ze mubata. Mulimu uka u zusa, kakuli Ubulezi kuli Uka eza ona cwalo. Mi mulumeli wa Mulimu kaufela ya na ni sepiyo yani ku yena, uziba kuli yeo kona Niti. Kacwalo, musike mwa saba, muzwale, lukeni kale mwa Zuhō.

²⁴⁶ Mutualime cwale fa petuho, lu si ka kwala kale. Kufetuha, petuho, luna kaufela lu mwateni mwa petuho mwani. Mutualime se lu bona kacenu. Mulemuhe fela se lubona kacenu, ona mata atisa kwa bupilo a Mulimu. Ne luli kwani kaufela. Neku na ni balumeli baba shwile, bene ba pakilwe ku Mushe; ne kuna ni zuho; ni Jesu Kreste ya filwe kanya. Elisha... Mushe, Elia, ni Jesu, kaufela ne ba yemi fa lilundu; balumeli baba shwile, balumeli ba bangilwe; ni Jesu ya filwe kanya. Oh, mawi!

²⁴⁷ Kihande, mu li... Ne ni utwile mucaha ya bulela. Ya nali, "Mina sicaba, kiñi, kambe ne mu na ni mata a cwalo aa, mulukela kuzwela kwande ku yo bulelela batu se mukona kueza." Libe kwahule ni Mukreste wa niti, kubulela nto ye cwalo. Mwabona? Luli, ha lu ipuleli kuba ni mata. Kwa...

²⁴⁸ Kono lueza nto iliñwi. Hane ba talimile kafa ni kafa, ka mata ani kaufela fahalimwa bona, "Ne ba boni Jesu fela." Mi ni yena, mulumeli wa niti hana taba kamba uyemela kopano, kamba hakuna zeñwi ka sona. Yena ubata fela nto iliñwi, kuli mubone Kreste ya filwe kanya yani, ki shutano luli. Haiba ki yaniti, Petuho yafa Lilundu ika tunafaza fela kanya Jesu Kreste. Ne i si ka tunafaza Mushe, ne i si ka tunafaza Elia, ne i si ka tunafaza bona, ne i si ka tunafaza sika sifi kaufela, kono ba bona Kreste ya filwe kanya. Mi mulumeli wa niti kaufela, sani kona sesili mwa pilu ya hae, ku lumba Jesu Kreste. Kona sa lika kubonisa kwa batu kuli babone.

²⁴⁹ Isiñi kubulela kuli, "Kihande, haiba utaha u ikopanye kwa likwata zaluna, haiba utaha u to eza se kamba kueza *sani*." Oh, musike mwa eza cwalo. Musike mwaeza cwalo.

²⁵⁰ Mubone Linzwi la Mulimu, ili yena Kreste, ya pakilwe; ni kutaleleza sepiyo ya lizazi le, mwa hola tuna ye ya zuho. Mulemuhe. Mi li bafa tabo, ka kuziba kuli lu inzi ni Yena, nama ya nama ya Hae, ni lisapo la masapo a Hae. Ha ki tabo ni yeo! Yeo kona nto inosi fela yeo mulumeli wa niti a tokomela.

²⁵¹ Ha na taba ka za kopano. Ha na taba ka za katengo. Habana taba ka se ba nahana basali babañwi. Habana taba. Batili kutokwa. Habana kueza lika ze zakuli... ze baeza basali babañwi ba. Bona... Baana ba habana kueza lika zeo. Habana ku zinazina ni ku kombelela za katengo kakañwi, u saba ku lelekiwa, ni kusaba kuli haana kuuba ni tikiti ya sico. Habana taba ni lika zani. Ki bukuba ku bona.

²⁵² Kuna ni fela tato iliñwi mwa pilu, yeo kikuli, kubona Jesu Kreste ha lumbiwa. Buino bwa bona buswanelu kuba ni Mulimu. Hailukeli kuba, sika sisili fela, kwanda kanya ya Jesu Kreste. Mi

kanti Jesu kisikamañi? Ki Linzwi. Ki niti yeo? Cwale, mulemuhe, ni kubona mikwa ya Hae yeswana ha i pakiwa, kupaka zuho ya Hae. Cwale ki sikamañi seo? Ka kubona bupilo bwa hao, ka Linzwi la sepiso ya Na bulezi kuli, “Yena wa swana maabani, kacenu, ni kuyakuile,” ku bonisa kuli U sa pila.

²⁵³ Hanina taba kamba sikwalo kaufela mwa na ha si kwalilwe kuna. Zeo, Ni . . . Sina ha Ni bulezi, Ne ni na ni myaha ye fifitesikisi, zazi leliñwi. Ne ni ka comolwa. Ni nzi mwa llimo ze ba kulanga lipilu. Ni inzi mwa lusika loluñwi lo kaufela, ni lika zeñwi kaufela. Kihande, ki shutano mañi? Ne si sika ezi shutano ni yekana kuna hane Nili mwanana. Ha sina shutano ni cwale, kamba ki hola mañi nombolo yaka fo i ka bizezwa, ni kadi yaka kuzwa fa shelufu. Hanina taba kamba baka ziba kuli Ni kile na pila mwa lifasi. Ha si ni pangeli shutano ni yekana. Ha ba lukeli kuba ni miyaho yemituna ni miyaho yemituna ya kubulela kuli Ne nili mwa lifasi moo.

²⁵⁴ Taba fela iliñwi ye Ni bata kuli ba zibe, ki kuziba kuli “Jesu Kreste ki ya swana maabani, kacenu, ni kuyakuile.” Mi mwa pilu yaka Ni na ni pampili ya bupaki bwa Hae. Mi Ni ziba kuli zazi leliñwi . . . Nihaike, Ne ni ka tiba mwa liwate. Na kona kubulaiwa mwa Africa. Hani zibi se si ka ezahala ku na. Kono taba iliñwi ye Ni ziba, Ni sweli pampili ya bupaki. Haleluya! Sikwalo kaufela sakona ku kwaliwa. Seo ha si ezi shutano ni yekana kuna. Ha ni liki ku lumba mutu kamba katengo kakañwi, kamba na muñi, kamba mane hakuna neba likwata, kamba nto isili fela. Ni bata kuli sicaba sibone Jesu Kreste ya zuhile kwa bafu, ni Moya wa Hae o pila. “Yena wa swana maabani, kacenu, ni kuyakuile.”

²⁵⁵ Ki kabakaleo, Jesu naize, “Usike wa saba. Kina ya Na shwile, kono Na pila kuyakuile.”

²⁵⁶ “Kakuli cwale lu liuluzwi ka Yena, mi lu zuhile ni Yena, mi cwale isiñi kuli (lu kaba) luinzi mwa libaka za Mahalimu ku Yena.” Cwale, ha una ni Moya wo ku luna, pampili ya bupaki, ibonisa kuli kukakanya kaufela ku felisizwe. Sikamañi? Kreste wa pila. Isiñi kuli *Na* pila; haki *na*. “Kreste upila ku na.” Ha ki *wena* ya pila, kono ki Kreste yapila ku wena; kakuli Linzwi la Hae le pila lipila ku wena, kubonisa kuli litaba za hao kaufela za ba Methodist, ni ba Baptist, ni mihipulo ya Pentekota, lika zeñwi kaufela, ne li natilwe. Mi Jesu Kreste . . .

²⁵⁷ Inge fa Lilundu la Petuho, bapolofita kaufela ni lika zeñwi kaufela li felile. Mazazi kaufela a ba Lutheran, ba Methodist, ba Presbyterian, kaufela bona ki a mande, kono, “Yo ki Mwana ka ya latwa. Mu Mu utwe,” yena Linzwi la hola ye, yona hola ya Maswayo. Mi, likunutu kaufela za kwa mulaho kwani, ze patilwe mwahala myaha ye kamukana, ni zeo ki . . . Ona piramidi yetuna ya nako yani ne i natilwe, neli licwe la kwa toho, la talimiswafafasi kuli Naleli ya Davida ilule mwa sibaka sa Yona.

Mi ni Keleke yetuna ya Mulimu yapila ika zusiwa sina mafufa a mbande, ku shimbiwa mwa Kanya. Eeni.

²⁵⁸ Mwahali cwale, mwahala cwale, mwa mibili yaluna: ka kubulela ka malimi asili; ni kupolofita, ni kubona za kwapili; kubeya mazoho fa bakuli, mi ba foliswa; lifasi, inge li shwile, ni lika kaufela za lifasi. Lu zwile mwa lifu kukena mwa Bupilo, mi cwale lu sweli mata. Haleluya!

Mwa zuho ya kakusasana wani,
Maswayo a lifu ha ka mamululwa,
Lu ka zuha, (Haleluya!) lu ka zuha. (Amen!)

²⁵⁹ Hakuna mioya yemiñata mwa lihele ye ka lu tibela kwa kueza cwalo. Ne lu lukiselizwe kale ki Mulimu ka yona hola yee. Linzwi Mulimi la Iponahaza hande ka luna. Mi lupila Fapila Mulimu, ka Linzwi la sepiyo ya Mulimu. Hakuna diabulosi mwa lihele yakona ku ni tibela kuzuha. Hakuna sikwalo sakona ku ni kwalela fa meto, kakusasana wani. Maswayo a kwaluhile kumamululwa. Haleluya!

²⁶⁰ Ni lukuluhile. Ni mbande. Hani sa li yo mwa sikalamunanga, kono Ni lu kuluhile. Ni zuhile kwa bafu, kukena mwa Bupilo bo bunca bwa Jesu Kreste. Ha ki na fela, kono muuna kaufela, basali, mushimani kamba musizana yaliteni mo, ya talizwe mwa Moya wa Mulimu, ki sibupiwa sesinca ku Kreste. Mi wena u mbande.

²⁶¹ Lwa pila, kacenu, ni kuikola zuho ya kamita. Kakuli Wa pila, lwa pila, ni luna. Mi Wa pila ku luna, wa lu pilisa. Mi Moya o no Mu zusize kwa bafu, uina ku luna, uka fa mata kwa mibili ya luna ye shwa, ka yona Paseka tuna yani ya Kuyakuile. Kanya ku Mulimu!

²⁶² Oh, munge lifasi, munge sika kaufela se mubata kunga, kono munife Jesu. Amen. Na Mu lata. Yena ki lifasi kamukana, kuna.

²⁶³ Mi bakeñisa kuli mu siemba sa Hae, Ni siemba sa mina, mi mu siemba sa ka. Mi, hamoho, lu siemba sa Hae.

²⁶⁴ Oh, Mukreste, ha ki kolo ni yeo yelunani! Luna ni kolo ya kuli Mulumiwa Paulusi mane na si ka lola kuba ni yona. Luna ni kolo yeo Enoke, ni Elia, ni bani kaufela nebasina. Kolo ye luna ni cwale!

²⁶⁵ Mi kuna ni ngu nyana iliñwi kwande kokuñwi, mi Hana ku ikutwa kulikana kufitela yani itaha mwa mulaka. Ka tuso ya Mulimu, ni ka pono, mi SA BULELA MULENA KISONA, Na kuta mwabuse bwa liwate. Yona ngu nyana ya mafelelezo yani ikona kuba yensu kwani, ka mo Ni zibela, ko ba sa sepi mane kuli bana ni moyo. Kono Mulimu uziba shutano. Ni ka bata kufitela lizazi la mafelelezo la bupilo bwaka, kuli ni fumane yona yani, kaufela ko iinzi.

²⁶⁶ Ni sepa ha Nina kufumaneha kuli ni filikanyize yomuñwi wa mizwale yaka ka kubulela litaba zetata zee. Na... Isiñi kuli

ha Ni lati kuli muyange kwa keleke. Luli, Ni bata kuli mu no yanga. Muyange kwa keleke kaufela ko musweli kuyanga. Kono fela musike mwa tuhela kuli yeo ibe yona sepo ya mina, muli, "Kihande, Ni wa siemba *se*, kamba Ni wa siemba *sani*." Oh, muzwale, kezeli, ube wa Kreste. Zamaya kwa keleke, kono ube wa siemba sa Kreste. Amen.

²⁶⁷ Tuhela kuli—tuhela kuli mata ani, haiba zeo ha liyo kuwena, akufela ona cwale fa kwa Bupilo. Kikuli hauna ku Bu amuhela fela ona fa cwale?

²⁶⁸ Sibaka se sitezi fela sa Teñi. Nisweli na U twa mwa sibaka se kaufela. Na ziba kuli Ateni fmo, mata a Mulimu, yena Muboni yomutuna wa lipono, Mubuleli yomutuna wa ze sataha yakona kubulela litaba ze sa palelwi, Yena yomutuna yakona kubulela mi hakuna mutu ya ka bulela kuli "awa," ki Muuna yakona ku kwalula mi hakuna mutu yakona ku kwala. Yana shwile cwale wa pila, mi wapila, kacenu, mo mwa Phoenix, inza zamaya mwahala lipalisa zenza.

²⁶⁹ Ki kabakaleo la Zuho yani kakusasana liloteli nyana la puka ne liinzi fa lilama kaufela ni fa yalona palisa. Kiñi? Ne i ziba kuli ne itisizwe mwa mubu, mi kokuñwi kuna ni palisa ya Kuyakuile yene shoshela. I ka nga sibaka sa yona zazi leliñwi. Yeo ki niti.

²⁷⁰ Ki kabakaleo, mioko ya tabo yakona kububa fa malama a luna. Ki kabakaleo, lipilu zaluna za tulaka ni kunjanja ha lu ikutwa ona mata aswana a fetula ani a taha mwa bupilo bwa luna ni ku to lu kulisa, nihaiba ka kulu lumeleza kubulela mushobo o zwelela kwa Lihalimu.

²⁷¹ Lu filwe mata hahulu fa Pila Hae fani, kupolofita, kubona za kwa pili, kubulela zakwa pili, ni lika kaufela inge linata hande ka Linzwi. Haiba si polofita kushutana ni Sani, musike mwa si lumela. Kono haiba ki ka Linzwi, I bulezwi kale kuli, SA BULELA MULENA KISONA.

²⁷² "Usike wa saba. Ne Ni shwile, mi na pila kuyakuile." Yeo kona Zuho ya Mulimu ye kwahela liñolo taku kaufela ya Linzwi mwa pili ya hao. Liswayo ki sikamañi? "Mu mañolo a ñozwi, abalwa ki batu kaufela." Mwa ziba cwalo. Kono haiba Mulimu u ku bizize, U ku swaile ka lizwayo la Zuho, kuli u zuhile ni Kreste, mi u sibupiwa sesinca.

²⁷³ Haiba ha u si ka swaiwa kale kakusasana cwana, eza cwalo halunze luinamisa litoho zaluna.

²⁷⁴ [Muzwale ukala kubulela ka lulimi lusili. Hakuna manzwi fa tepu—Mu.] . . . Mulena. Mu ikutwezi zeo?

²⁷⁵ Munahane cwale, ka litoho za mina ze inami. Maroma 8:11, "Haiba ku cwalo kuli Moya ono zusize Kreste kwa bafu uba ku mina, Uka fa mata kwa mibili ya mina ye shwa."

²⁷⁶ Ki sikamañi se lukona ku libelela, sicaba? Ki sikamañi se si siyezi hape? Mutualime Formosa ni lifasi kaufela. Lindalamiti

za atomic ni lika zeñwi kaufela li libelezi fela kutibukela mwa lifasi, mi ki kuikalelwala fela, ni sabo, ni kuhuwa. Mi babapali ba mafilimu ba minyize, kwande kwani, inge ba bulela fela litaba za lisheha, inge fela mushimani yomunyinyani yasweli ku zamaya mwa mabita, inza liza muloli busihu, kulika kueza kuli sicaba si lumele kuli lika kaufela li lukile. Musike mwa pumiwa. Kutaha kwa Mulena ku sutelezi.

²⁷⁷ Mu lemuhe, zazi leliñwi, muyambi wa litapi na tile ani bulelela kuli, ne luinzi kwani mwa libala, kuli, neli nto yeñwi yebuhali cwalo kamba sesiñwi kulo kwani. Mi mane, kuli, kale foo zikinyeho ya lifasi yani isika nyunga kale kwa Greece, litapi kaufela ze selanga kakusasana zani, ne li si ka tosela. Neli sikamañi sani? Ne li si ka taha fahalimu. Nako ya bubeli ha li ezahala, nto yeswana ya ezahala. Na zibile ona fani kuli sesiñwi si ka ezahala. Litapi zani ne lisa seli ka nako yani.

²⁷⁸ Ni macikwi ani kaufela ni zeñwi zecanga litapi, ne li si ka ca. Fani neli kakusasana, kona fo li selelanga kubata lico. Ne li itulezi fela fa likamba, za zwa mwa mañope ni koo kaufela. Kakuli, mwa mizuzu fela yelikani, musi wakala kutushana mwa mubu, kuzwa mwa matuko a liwate. Mwabona? Litapi zani ne li zibile li si ka ezahala kale.

²⁷⁹ Ne ni ya kwa India, Na bala mutende, kuli, "Zikinyeho ya lifasi ilukela kufela." Ka mazazi luli, linyunywani zenyinyani za hana ku kutela kwa liyaleto za zona mwa macwe. Likomu ne li si ka yema kwa litebule mwatasii a... mwa muluti, mwa kucisa kwa lizazi. Lingua za yema nonga mwahala simu, zali kuyendamena ku yeñwi ni yeñwi. Ne li si ka kya mwa macwe ani, mazazi amabeli kamba amalalu zikinyeho isika ezahala kale.

²⁸⁰ Kiñi? Lingua zani ne li zibile. Ne li ziba kuli sesiñwi ne si ka ezahala. Linyunywani zani ne li ziba se ne si ka ezahala. Macikwi ani na ziba kuli sesiñwi si ka ezahala. Litapi zani ne li ziba kuli sesiñwi ne si ka ezahala. Ki yena Mulimu ya swana yana etelezi lifolofolo zani mwa areka.

²⁸¹ Kikuli hamuboni, sicaba se si tezi Moya, kuna ni se si libelezi kuezahala? Musike mwa bata nto *yetuna* ya nyangela ni ndopu cwalo yeka ezahala; hakuna sika kwanda Kutaha kwa Mulena Jesu. Muhupule, muhupule fela Manzwi ni sepiso ya Mulena.

²⁸² Kana hamuna kutaha mukene kapili? Muzwe kwa mamota amatuna ani. Zuhu ifa kaufi cwale. Haiba kuna ni yomuñwi mo ya sa zibi kuli na ka kena mwa zuho yani, mi ni kuli ki ya sa zibi hande haiba una ni mata a zuho ani inza pumuzi ku yena!

²⁸³ Ni ha likokwani za mubili lika u sinya, nihaiba ndalamiti ya atomic ika panca mwahala mina, haina ku sinya mata atisa kwa bupilo ani, mata a zuho. Batili, batili. Kezeli, muzwale, libizo la hao lelinde li beilwe mwa Buka ya Ngunnyana ya Bupilo kulo kwani. Hakuna mutu yakona ku li zwisa mwateni. Hakuna

milyani yemiñata ikume kai imane, mwa lifasi, yekona kutakula libizo la hao mwa Buka Yani koo Mali a Hae a i lekile.

²⁸⁴ Haiba ha mu zibi hande ka zeo, musike—musike mwa ezaka lisheha ku zona cwale. Mwabona? Wakona kueza ka lisheha kumata ni kunata mwa lukwakwa kokuñwi mi kusina ku bulaiwa, kono hauna kunata mwa lukwakwa lo mane. Batili, batili. U kaba ni kufita ku lona. Hamuna kuba ni kueza cwalo. Kuna ni liseli le lifubelu leli monyeha cwale. Fitelela, fitelela mubeye milelo ya hao luli, fitelela lika za lifasi.

²⁸⁵ Taha. Ha lu zuhele hamoho mwa nako ya Zuho ye, nyakalalo yetuna ya Zuho. Kana mwa kona ku nyakalala mwa pilu ya mina biki ye nji? Haiba ha mu koni, kikuli muka nanula fela lizoho la mina ku Mulimu?

²⁸⁶ Muli, “Mulimu, Hanina niti hande ka zona. Ha ni zibi haiba Na kona kueza zeo kaufela kamba nee. Kikuli U ka ni tusa? Ni ka nanula lizoho la ka ku Wena, Mulena. Ni tuse.” Mulimu aku fuyole. Mulimu aku fuyole. Zeo ki zende. “Ni—Ni—Ni bata Wena, Mulena. Ni tuse. Ni—Ni bata—Ni bata ku zuswa. Ni—Ni bata kuba cwalo. Ni bata kuba ni mata ao ona fa cwale. Ni bata kuziba kuli a lukile. Ni bata kuziba kuli ku lukile, Mulena. Na ziba, hanikoni kueza mafosi- . . .” Ha u lati mafosisa ka nako yeo cwale. Halina kuba ka . . . nako ikabe ifelile. Cwale kona lizazi. Mawi! Cwale kona lizazi. Musike mwa libeleta.

²⁸⁷ Ha ki kale hahulu, ne Ni kutaza. Nekuna ni muuna muhulu yomunsu yana kutile kwa mulaho wa muyaho, a ni katani. Ali, ali, “Revurendi, Ni bata ku kubulelala. Ni bulela kuli u bulela niti wena.” Ki hali, “Ni bulezi kale Mulena, nako ya kale kafoo, Ni bata tikiti yaka mwa lizoho kakusasana wani. Ni bata kuziba kuli i ñozwi hande.” Ali, “Ku kayoba butata hahulu kulo kwani kwa nuka.” Ki hali, “Na—Na—Na ha ni taha kwani, kwanuka.” Ki hali, “Ha—Ha ni lati kuba ni butata kwani. Ni bata kuba ni zona hande kulo ona fa.” Yeo ki niti.

²⁸⁸ Una ni situpa sa hao savisa? Haiba hauna situpa sa visa shangwe. . . Mwakona kuba ni situpa, kono, haiba hamuna situpa sa visa, hamukoni kukena mwa Naha. Mwa ziba cwalo. Kana mu lukisize lika kaufela? Haiba ha ku cwalo, ona fa kona nako ya kueza zeo.

²⁸⁹ Si sani, haiba u sabile. Cwale, kuna ni mwendi mazoho a mwanda a nanuhezi mwahali mo. Kacwalo haiba u sabile nyana, cwale ha lu li fezeñi ona foo.

²⁹⁰ Cwale, Ni ziba kuli luna ni linzila ze shutana. Batu babañwi bali, “Taha kwanu, ni ku swale mwa lizoho.” Babañwi bali, “Taha kwanu, kubama fa aletare.” Cwale, zeo ki zende. Hanina neba linzwi la kunyaza zeo, neba hanyinyani, hakuna niheba sika, kaufela se ba ka bulela.

²⁹¹ Kono mutuhele fela ni mi bulelele nzila yaka. “Buñata bwa babane ba lumela, sina babañata . . .” Kutaha kwa katala

hakuna ku ku eza kuli ulumele. Kuswalana mwa mazoho ni mukutazi hakuna ku kueza kuli ulumele. Kono haiba u bizizwe ki Mulimu, mi u mbande, ka kukala, muhuwo fela uka ku bulelela. U ka lumela. Haiba luli wa lumela cwalo, Ni ka lapela ni wena.

²⁹² Kana mwakona kunahana mbande nyana yani ne ika inelela mwatasa sishete sani? Batili, batili. Huh-huh. Batili. Usike wa inelela fa hape, mulikani. Halu—halu ngelweñi cwale. Muhau wa Mulimu uteni fa kueza zeo.

²⁹³ Ndate yakwa Lihalimu, lu lemuha kuli lutaha kwa hola ya kukwala. Haluna nako yetelele hahulu ya kuba mo cwale. Isini sina ka lusika lwa luna, kono ka nako yateni. Lu lumela kuli kuna ni babanca babañata ba ba liteni mo, ba ba ka pila se ha si ezahala. Za kona kuezahala neba kacenu. Ha lu zibi muzuzu kamba hola. Kono, Mulena, U lu bulelezi kuli, “Ha mu bona lika ze liezahala,” mi li bile liezahala cwale fa nako yetelele.

²⁹⁴ Lu ziba kuli lu kwahule luli kuya ka batu basayansi. Myaha ye sikisi, ye sebene kwa yefitile kwa mulaho, ne kubulelwa kuli ki mizuzu yemilalu kuli ibe fahala busihu. Ha luzibi kuli seli nako yekuma kai cwale, hainze i zamaya cwalo, kono luziba kuli lu sutelezi luli.

²⁹⁵ O Mulimu, kuba ni sepo yeo: ka kubona kuli lipilu za luna li bulela sepiso kaufela ya Mulimu ka “amen,” kubona kuli Moya Kasibili, otile ku luna, kona olufa mata mwa butu bwaluna.

²⁹⁶ Mulimu, lumeleza kuli mizwale baka ba si bone, kakusasana cwana. Lumeleza kuli mizwale ya hesu ibone cwalo, kuli ki Moya otaha wani ni kutisa mata kwa Linzwi. Ni bona likezelib a bone nto yeswana, Mulena. Mi cwale, haiba ba bona se si sa ba fi mata kwa Linzwi lani, O Mulimu, ha ba zwekusona kapili fela. Lumeleza cwalo, Ndate. Kaufela zona li mwa mazoho a Hao cwale. Ni ziba kuli Ni palezwi mwa lika zeñata, ni kuzwelapili ku palelwa, kono, Mulena, Ni ezize kaufela ze Ni ziba mwa kuezeza. Cwale li mwa mazoho a Hao. Ki ba Hao. Ka Libizo la Jesu, ba amuhele, Ndate.

²⁹⁷ Cwale ku mina babali mo ni baba tokwile foliso kwa mubili ya mina. Ki balumeli babakai babali mo? Munanule mazoho a mina. “Ni mulumeli, kuya ka mo Ni zibela pilu yaka.” Ki babakai baba nani ona? Wa ziba, kusina nihaiba muluti wa ku kakanya, kuli mwa pilu ya hao, ona fa cwale, u zusizwe kwa bafu? Wa ziba? Oh, mawi! Ki sikamañi sene si ka ezahala mwa mukopano sina wo cwale? Ni ziba kuli Ni liyehile, kono ki sikamañi se ne si ka ezahala ona fa cwale? Mu nahane fela se si kona kunga sibaka. Mata a sapili ateni kale ku mina. Mwabona? Wena, ya nanuzi lizoho la hao mwa halimu, u ngile inge—inge buitamo, ku Mulimu, kuli, “Ni ziba kuli sesiñwi si ezahalile kuna. Hakulata haniyo hande mo Ni lukela kubela.”

²⁹⁸ Nina ha Ni cwalo. Batili, sha. Ni kwahule hahulu ni ko Ni lukela kuba. Kono Ni ziba nto iliñwi ye, Ni zwile kwa lifu kukena mwa Bupilo. Ni ziba kuli sesiñwi si ezahalile kuna. Babañata . . . Isiñi sina muuna muhulu cwale, kono myaha yemiñata, ñata kwa mulaho, ne li ezahalile.

²⁹⁹ Mi Na ziba, zazi lani hane Ni keni mwa sipatela sani, hane Ni bile ni butata bwaka. Ni boni musala ka ha shwa; na biza bupilo bwa hae. “Mi ki sikamañi se Ni ezize kwanda kuyema mwa makozwana ni kukutaza, ni kulapelela bakuli?”

Mi cwale Satani ali, “Kihande, Haana ku alaba tapelo ya hao.”

³⁰⁰ Ni mu boni ha shwa, kono Na ziba kuli ku yena kuna ni mata a zuho. Masapo ani aka zuha hape.

³⁰¹ Ne ni boni mbututu waka alobanzi mwani. Mi Na beya lizoho ku yena, nali, “Mulimu, usike wa ni ngela yoo.”

³⁰² Ku bonahala kuli Na hohezi lisilafafasi, ali, “Hanina ku ku utwa ni kamuta.”

³⁰³ Satani ali, “Ki foo cwale. Linzwi fela lililiñwi . . .” Na ziba hande kufita ku ni bulelala kuli nekusina Mulimu, kakuli ne Ni ziba zeo. Kono naize Na sa ni lati, Ha ni tokomeli. Mwabona? Taba kaufela ya ku nahanisisa, yeli, “U mutangana fela, mane ki myaha ye mashumi amabeli ya kupepwa. Mwani kulobezi musala hao mwa mocari. Hape ki yo mbututu wa hao wa ya niyena. Mi—mi fela . . . U bulezi kuli Ki yena Mufolisi yomutuna mi ki Yena ze kaufela. Mi, bona, U eza sikamañi? Linzwi li liliñwi, Yena mane na sa lukeli neba kulibulela, kutalima felafafasi fani ni kubulela. Ki kunyunga fela toho ya Hae, kona zekona kuezahala fela, mi u ka foliswa. Kono, wa bona, Ha ku lati. Ha ku isezi ngana. Utuhela kuli mbututu wa hao a shwe ona fa cwale, mane uhana ku utwa tapelo ya hao mwa hola ye nsu ye.”

³⁰⁴ Lika kaufela za na bulezi neli fela niti. “Kacwalo ki sikamañi so ezize? Kusebeza musihali kaufela, kufitela mane upalelwakuyema. Mi kipeto ni kuina busihu kaufela, kufitela twelufu ni wani kiloko. Inge u yemi mwa makozwana a mikwakwa, inge u kutaza. Ku lizeza kwa sipatela. Kutaha fela ni kuina, fasipula, uina fani ni kulobala hola kamba zepeli, ni ku kutela kwa musebezi hape. Busihu bo butatama, ki nto yeswana. Mi ki fo cwale, mwendi neli nili wa myaha ye twenty-wani, twenty-tya kupepwa. Mulikani kaufela, kalibe wa mwanana kaufela, mutangana kaufela yo kile wa ziba fateni, u kubizize kuli mutu ya lyangan. U ezize siakamañi? U ikezize fela sikuba. Kana ha u boni nji?” Ne ni li fela bukaufi ni ku lumelelana ni yena.

³⁰⁵ Mi Sesiñwi se ne sili ku na, ani neli ona mata atisa kwa bupilo ani. Se nili “Mulena ufile, mi Mulena uni amuhile. Ku fuyolwe Libizo la Mulena.”

Sepo yaka kaufela ha se i felile,
Kona kuli Uba sepo yaka ni maino.

Kakuli ku Kreste, yena . . .
[Hakuna manzwi fa tepu—Mu.] . . . lishabati.

Oh, U ka taha ka mulumo o mata,
Konakuli fo cwale Ni fumaniwe ku—ku Yena,
Ni tatelizwe mwa masila a kuluka kwa Hae.

³⁰⁶ Isiñi ku aka fela; Hanina ni amakana. Aka kwateni atezi masila, mi masila a masila. Ha nilati kuya kwa Lihalimu ka kukutaza kwaka. Ha nilati kuya kwa Lihalimu ka lipono zaka. Ni ya kwa Lihalimu kakuli Ni swale muhau wa Hae mwa pilu yaka. Sishemo sa Hae, kona ha Ni ya. Cwalo kona mo lu zamaela.

³⁰⁷ Oh, mulikani, u siemba sa Mubili woo. Mu bana babanyinyani ba Mulimu. Cwale, Ni bulela se kuli ni yahe sepo ya hao. Haiba u fumani . . .

³⁰⁸ Haiba Ni fumani sishemo ni wena, ni ku bulelezi Niti . . . Mi se Ni ku bulelezi, ki—ki mupolofita ya naize, ka myaha ye felile. Ha ni ikezi kuba mupolofita wa Hae. Batili, sha. Kono Ni mi bulelela Niti. Kana Akile abulela sika kaufela kwanda se si lukile? Ni mi zibile cwale seli myaha ye mashumi amabeli ni yeñwi cwalo, mo mwa Phoenix, haibile pina yani yetwi, *Ni Tabela Kuyo Ikambota Ni Yena*, kwani kwa keleke ya Muzwale Outlaw, Na lumela neli yona, ni Muzwale Garcia. Kana Ni kile na mi bulelela sika ka Libizo la Mulena se si si ka ezahala?

³⁰⁹ Muhupule, kuna ni fela sepo iliñwi. Munge mata atisa kwa bupilo ao. Aka ka swala. Lika kaufela ha se li ile, Aka ku swala.

³¹⁰ Babañwi ba bona bali, “Kana u bulukile bulapeli bwa hao, Muzwale Branham?”

Se nili, “Batili. Ki Bona bo bu ni bulukile.”

³¹¹ Bwa ni buluka. Ha ki na ni bu buluka. Ha ki kuli Ni swalele, kamba nee. Ki haiba Yena usweli, kamba nee. Ki yena ya ni swalezi kwateni.

³¹² Na sa lukeli kuba cwalo. Mangeloi na beilwe mwa kota kaufela, ali, “Hoha fela minwana ya hao ku tamulula. Supa fela; haulukeli ku itusa fa sifapahano. Supa fela munwana wa hao, mi ubone se si ka nga sibaka.” Mwabona, sikwata sa lisomo sani. Kono kambe Na ezize cwalo, Ne ni sike naba ni bupaki boo kacenu; nemusike mwaba ni bona ni mina. Kono kakuli Na inelezi fa sifapano, A swalelela ona fani, kona ha Ni kumalezi ni Yena.

Ku Kreste, yena Licwe leli tiile, kona fo Ni
yemi;
Libaka zeñwi kaufela ki lishabati.

³¹³ Cwale, haiba mwa kula, kikuli muka beya mazoho amina ku mutu ni mutu. Halu lapeleñi. Mubeye fela mazoho a mina ku

mutu yanzi mabapa ni mina. Hakuna taba kamba ki sikamañi se si fosahalile ku mina, mube ni tumelo cwale. Haiba Ni kile na mi bulelela Niti, Na mi bulelela cwale. Mwabona? Jesu naize, "Lisupo ze li ka latelela ba ba lumela." Mi mu balumeli, mu nanule fela mazoho a mina. Musike mwa kakanya. Kuna ni mutu yomuñwi yasweli kunyanda yomubeile mazoho. Yomuñwi u kubeile mazoho a hae.

³¹⁴ Muhupule ona mata afa bupilo ani, ona mata ana zusize Jesu mwa libita. Cwale mube ni tumelo mwa lika ze munani mwa—mo mwa mibili yamina. I ka tusa mutu yoo ye mubeile mazoho yoo. "Haiba A pila ku mina, Uka fa mata kwa mibili ya mina ye shwa."

³¹⁵ Mulimu Yomunde, sina ha Ni yemi fa kakusasana cwana, bukaufi ni nako ya musihali, hase ili nako ya lizazi sina le fani Jesu na lila kuli, "Mulimu wa Ka, Mulimu wa Ka, U Ni tuheleziñi? Na nyolelwa." Ki kabakaleo, mupolofita na li boni kale, mi ali, "Nikona kubala masapo a Ka kamukana, bona ba Ni talima. Mi ba Ni tabile kwa mazoho ni mautu a Ka." "Kono A balelwala hala lisinyi. Kono Na holofalezi bumaswe bwa luna. Na holofalezi bumaswe bwa luna. Koto ye lu fumaniko zoko ka yona iwezi Yena fahalimu, mi ha lufoliel ki ka miupa ya Hae." Lwa bulela cwalo, kakusasana cwana, Mulimu. Wa bulela cwalo.

³¹⁶ Kakusasana wa zuho ye, lemuha, yona Niti ye pakilwe ye Ni bulezi, Mulena, kuzwa mwa Linzwi la Hao, fa Pila Mulimu. Ki yena Muatuli, mi lu lipaki kuli U lu liuluzi. Mi ku luna kuna ni ze beilwe, ka sishemo sa Mulimu, ona mata a kuzuha ani. Mi balikani ba luna ba kula, yena yo mazoho a beilwe ku yena.

³¹⁷ O Mulimu, lu swabisa diabolosi, mwahala tumelo yaluna kakusasana cwana, ni mazoho a kambekilwe fa sicaba, ni na ni mazoho aka a otolohezi sicaba. Mi butuku kaufela, makulano kaufela alika kuswala sicaba, fapila Niti ye pakilwe ye, a zwe. Ka Libizo la Jesu Kreste, sicaba se ha si lukuluhe kacenu. Kuli, Bibebe, Manzwi a Mulimu wa luna naize, "Ha ba ka beya mazoho fa bakuli, bao baka foliswa." Mi mazoho a luna ananuhezi mwahalimu, ku Wena, Mulimu.

³¹⁸ Sina simela kaufela sa lifasi ha sinwa kwa liweluwelu la Hao, mi haibile fela simela seo, sa kona kumela, si nwe kwa liweluwelu la Hao, si kalisa ku ekezehe. Si kalisa ku hula. Lutaka lwa mbonyi, palisa, kaufela seo sili sona se si sweli kunwa mwa sibuba sa Hao, sihula ka kutaha ku Wena.

³¹⁹ Mi kakusasana cwana, lu hulile, ka mainci, Mulena. Lwakona kufita fahalimu mwahalimu. Lusweli kunwa kwa sibuba sa Hao. Luna lu libupiwa za Hao, ka mata a zuho ali mwahala luna, Mulena. Mi lu lapela kuli U utwe tapelo ya luna kwa mizwale ni likezeli. Mi cwale butuku kaufela, bo bu tibela sicaba sesinde se kwanu sesi sweli mata a cwana, Mulena, a zwe

kubona, ili kuli ba sebeleze Mulimu. Mi kukaba hande, Mulena. Ka Libizo la Jesu Kreste. Amen.

³²⁰ Mwa Mu lumela? Mu ka siya nto ye cwana? Mukona kueza cwani zeo? Mu swanela fela kueza, mo ku bonahalela, ku ikambusa fela kwateni. Kikuli mu ikutwa cwalo? Na—Na—Na... Ikona fela kuna ba, kuli Na... Kono ne Ni na ni maikuto, neli fela maikuto asili hane Ni tile mwahala sicaba, mo ne muinzi hamoho sina cwana. Na ziba, kokuñwi, kokusa bonahali kokuñwi; kuswana fela sina wayalesi, mazimumwangala, kamba ki sikamamañi kaufela, se si fita mwa muzuzu wo; Kreste u mwa sibaka se. Munahane fela, Muliululi waluna! Tony, U teni mo. Amen.

³²¹ Mi kimañi yakona kuba ya tabile hande kufita sicaba se si bufumani, ka bupaki bwa Bibele kaufela bwa Linzwi la Mulimu le li bona halile, neba kubona Mangelo ni Sibupeho sa Hae, sina moba bezi mwa—mwa masika kaufela! Mi fa, Manzwi a baboni, a bulezwi mi liezahalile ona cwalo ka swanelo. Mi ki luna ba fa bukaufi ni Kutaha kwa Hae. Oh, ha ki nako kwa bunde ni yeo!

³²² Lu ka Mu bona. Leliñwi la mazazi aa, U kaba fa. Kufitela A taha, kikuli mu ka ni lapelela? [Kopano ili, “Amen.”—Mu.] Nina ni matata a sabisa fapila aka. Na ziba cwalo. Mwabona? Mi Ni kopananga ni bahedeni baba ka ku kunupa, kuswana sina kunwa mezi, mi kipeto wa lifiwa ka zona. U taha mwa mubu wa yona, mioya ye maswe ika mi swabisa fa Bibele, ka bunolo fela. Kono Ha ni si kabona nako neba iliñwi kakuli Mulimu waluna na nza koma ndwa. Ni ya ka Libizo la Hae, ka Libizo la Mulena Jesu Kreste, ili sepo ya Bupilo Bobusafeli, zuho ni Bupilo. “Ya pila mi alumela ku Na, ni ha shwile uka pila hape. Mi ya pila kaufela mi a lumela ku Na hana kushwa.” Ni lumela kuli leo ki Linzwi la Mulimu la Kuyakuile. Kana mu lumela ze swana? [“Amen.”] Kikuli mu ka ni lapelela? [“Amen.”] Ni ka mi lapelela. Mulimu a lu sileleze kufitela lu kopana hape.

³²³ Cwale halu yemeñi, fa nako nyana fela. (Muna ni se mubata kubulela?)

Halu inamiseni litoho zaluna.

³²⁴ Ne isike yaba fela hande kuli lusike lwa opela pina nyana ye, nji cwani? Muhupule pina yaluna, *Na Mu Lata*, kana kona yeli mwa pilu kaufela? Halu iopeleñi fela. Kezeli, mulatiwa, kana uka... Ni bata kubulela kuli, Na itumela kwa kuliza kwa hao, ni wena, kezeli. Ku lukile.

Na Mu lata, Na Mu lata
Kakuli U ni latile
Ni kuleka puluso yaka
Fa kota ya Kalvari.

Cwale luka cinca pina.

Tumelo ya ka italima Wena,
 Wena Ngunyana ya Kalvari,
 Mupulusi Yapahami;
 Cwale utwa ha Ni lapela,
 Oh, zwisa sibi saka kaufela,
 Oh, nikonise kuzwa kacenu
 Ni be wa Hao kakutala!

³²⁵ Kana seo ha siezi nto yeñwi ku mina? Ki ba bakai baba lata cwalo ka pilu kaufela . . . Na—Na—Na lata lipina za tukuluho. Luli, Na li lata. Kono ha mu li mwa moyo wa kulumbeka, kikuli ha mu li lati lipina zende za mbuwa za kale zani nji? Ni lumela kuli Moya o Kenile no tile ku Eddie Perronet ni bani bene ba ñozi lipina za kale zani. Kana ha mu lumeli cwalo? Fanny Crosby, hana ñozi kuli:

Si ni fiteleli, mawi, O Mupulusi ya musa,
 Utwa kulila kwaka kwa kuikokobeza;
 Ha U sweli kubiza babañwi,
 Si ni fiteleli.

Wena Liweluwelu la kukatuha kwaka,
 Kufita bupilo kuna,
 Kimañi yo Ni nani mwa lifasi kwanda Hao?
 Kamba kimañi mwa Lihalimu haisi Wena?

³²⁶ Kana ha ki nto yende yeo? Seo si lueza kubata kuopela kuli *Na Mu Lata*. Nji cwani? Cwale, halunze lu opela nako ye, *Na Mu lata*, halu . . . Lwa latana yomuñwi ni yomuñwi. Haiba ha lu latani, kona kuli ha lu Mu lati. Cwale ha lu swalaneñi mwa mazoho. Muyeme fela, ni kuya fa tafule fokuñwi, mu swalane mwa mazoho, mañi ni mañi.

Na . . . (. . . ? . . .)
 Ni kuleka puluso yaka
 Fa kota ya Kalvari.

Halu inamiseñi litoho zaluna cwale.

³²⁷ Ni ka kupa Muzwale Williams, Muzwale Williams, wa mwanana atahe kwanu fa nako nyana. Ni ka mu kupa haiba uka lukulula sicaba se mwa tapelo.

³²⁸ Na lata Muzwale Williams, Mukreste wa mwanana, yo Ni nahana kuli ki mutanga wa Kreste luli, lubasi lwa hae lolu nyinyani. Ni na ni mikopano yemiñata ni bona ba. Mi bona ba ha Moseley bashimani bani ni babañwi kaufela, lubile hamoho, ni babañata ba balikani babande mo mwa Phoenix, bao Ni lata ka pilu yaka kaufela. Na sepa, kakusasana wani mwa pono yani, Na ize, “Kaufela zo kile wa lata, ni ze ku lata kaufela, Mulimu u ku file.”

³²⁹ Ni lumela kuli yomuñwi mo ubakezi libi za hae, uwile ka mañwele a hae, musizana ya sweli kulila.

Halu inamiseñi fela litoho za luna fa nako nyana ku yena.

³³⁰ Mulimu Yomunde, kana ngu nyana yani yene siyezi mwa Phoenix ki yona ye nji? Ha ni zibi, Mulimu. Wen wa ziba. Kono, zazi leliñwi, kukaba cwalo. Kono, Ndate, ye, hakuna kukakanya, ki yeñwi. Kacwalo Ni lapela kuli U mu tuse, ona fa cwale. Ka bunolo kwalula munyako, uli, “Taha, mwana Ka. Taha uzwe kwa mukatalo, musipili o mabote. Ubile u icuncula mwani mwa lififi. Ni zwezi kwande, kacenu, ku to kunga. Ki Moya wa Ka o bulela ku wena ni ku kutisa mwa mulaka cwale.” Lumeleza cwalo, Mulimu. Mi cwale kalibe yo...ha li fa manganandila a bupilo cwale fa. “Ya ka utwa Manzwi a Ka, ni kulumela ku Ya Ni lumile, una ni Bupilo bobusafeli.” Lumeleza cwalo, Mulimu yomunde, ku yena Mukreste yo. “Ya ka taha ku Na, Hanina ku mu leleka.” Balumeli ha ba nze bayemi bukaufi ni kalibe yo, balapela.

³³¹ Hupila, neba Paulusi, ya na pobauzwi macwe hahulu kuli mane na shwa, mi cwale ba bakenile ha ba yema ni kulapela, bupilo bwa kuta. Kakuli, mwa mibili yani ya baba kenile ne kuna ni mata atisa kwa bupilo ani ana tisize moyo wa bupilo ku Mulumiwa Paulusi. Mulimu, ikona kuba kulapela tapelo, ya lifu kuzwa mwa...kamba lifu kuzwa ku mutu, ka tapelo ya tumelo, kwa bupilo. Lumeleza cwalo, Mulimu yomunde.

³³² Lu fuyole cwale halunze lu libelela ku Wena. Ka Libizo la Jesu Kreste, lwa lapela.

³³³ Cwale ni litoho za mina ze inami, Ni ka kupa Muzwale Williams.



LISWAYO LA ZUHO LOZ65-0410
(The Easter Seal)

Liñusa le ka Muzwale William Marrion Branham, neli katalizwe lwa pili mwa Sikuwa la Pelekelo kakusasana, Lungu 10, 1965, kwa mukushuko a ba Full Gospel Business Men's Fellowship International fa Ramada Inn mwa Phoenix, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org